

龍洲道人詩集序



古今以詩名家者衆矣予兄改之晚出每有作輒伸尺紙
以為藁筆法適縱隨為好事者所拾故無抄集詩章散漫
人間無從會粹澣嘗遊江浙涉淮甸得詩詞表啟賦序於
所處遊中線成帙多為朋儕取去歲月久矣應酬幾不能
給或以是而獲謗吁上而李杜韓柳近而歐蘇陳黃大篇
巨帙爛如日星絢如綺組膏澤流於無窮於此何足秘哉
用是鋟木以廣其傳每得

竄
名賢序跋詩文亦多當陸續以刻少有舛闕不敢輕意竄

易或收善本能一賜參對至願昔端平紀元六月望日劉
澥謹題

龍洲道人詩集目錄

卷之一

歌行

襄陽歌

多景樓醉歌

紅酒歌

瓜洲歌

盱眙行

西昌劉過改之



國家圖書館, NATIONAL CENTRAL LIBRARY, TAIWAN, R.O.C.

從軍樂

登昇元閣故基

大雪登越州城樓

望幸金陵

艤舟采石

卷之二

古詩七言

題潤州多景樓

清溪閣

呈陳總領五首

憶鄂渚

寄竹隱先生孫應時

明州觀大閱

嘉泰開樂日殿巖涇原郭季端邀遊鳳山自來

美堂而上湖亭海觀梅坡石林無不歷覽最

後登冲天樓下介亭觀騎射胡舞賦詩而歸

古詩二十二韻

上譙江州

觀三疊泉

贈許從道之子祖孫

郭帥遺巖美

舟中

村墅

題一犁春雨圖後

卷之三

古詩五言

寄竹隱孫先生

同許從道遊涵碧

湖學別蘇召叟

答曹元章

古意席上為徐子宜侍郎賦

懷古四首為知己魏倅元長賦兼呈王永叔宗

丞戴少望

兩寒寄姜克章

海棠分韻

謁郭馬帥倪

悲淮南

俞太古嘗扣閣上書有名天下予甚敬之相會
於姑蘇將歸洞庭賦詩以壯其行

九日鄂渚登高楚觀分韻

讀書

思故人

歸耕

自歎

贈鄉人周從龍談命

送程伯俞赴海陵蘇史君之招

卷之四

律詩七言八句

代壽韓平原 五首

壽建康 太尉

慶周益公新府

辭周益公

代上譙太尉

謁易司諫二首

上金陵章侍郎二首

上袁文昌 說友知平江五首

寄李侍郎

寄湖州趙侍郎

謁淮西帥

謁金陵李武帥二首

呈李漕二首

喜雨呈吳察按二首

謁京口張守二首

上劉和州二首

雪中呈顏械史君二首

喜雨寄徐東陽

謁江華曾百里

贈鄂渚李廣文

贈侯戎

贈趙道卿

贈陳時可

呈胡季解

簡李文

陪趙丞飲東軒留題

卷之五

律詩 七言八句

上真仙張紫微

送劉從周教授

送王東卿歸天台 二首

送劉允叔遊浙東

送友人遊南康

寄張都幹蒙正

寄郭德順

寄郭伯瞻

醉中寄王子林

寄呂英父 二首

寄潘文叔

寄程鵬飛

襄陽雪中寄江西諸友

舟次富池寄九江諸公

南康解后江西吳運判

湖口解后張伯豐同行

西湖別舍第潤之

張帥幹席上口占

姑蘇送王武崗不值訪汪仲冕席上口占

毛積夫席上口占

放翁坐上

次韻劉啟之

次張昌化合溪新亭韻

二首

次呂簿池亭韻

次史良夫寄題雲岫

長干寺用荆公韻

和都幹并柬允道

和印監寺玉簪花

詠余高卿梅子花

與青原正菴老

簡能仁禮老

贈張道士

贈永嘉張相士

贈術士

夜思中原

卷之六

律詩七言八句

題鳳凰臺

題池州一覽亭

題高遠亭

賞心亭

龔山長樓閣

南康天開圖畫樓

建勳酒樓落成

洞霄

同許從道登環翠閣

同郭殿帥遊鳳山寺探桃李

雪晴遊惠山

遊窄萼山

登白雲絕頂

登清涼臺寺

又借韻小行

大麓道中

登凌雲高處

過泰和宮

過西興

遊北墅

呂氏山堂喜雨

雨作妨登山 三首

掛塔松窩

鹽官榷學

鹽官借沈氏屋

入徽州

寓公坊

六合道中

醉中偶成

無錫道觀

招義銘育王見佛照

金陵雪中

對雪

觀白鷺洲風濤

偕陳調翁龍山買舟待潮夜發

發舟

舟中偶作

舟中

霜寒舟中

春日即事二首

幽居

自述二首

自慚

下第

歲晚

卷之七

律詩五言八句

代上韓開府

上周少保二首

初伏闕上書得旨還鄉上楊守秘書二首

上范秘監二首

寄周益公

和大參相公 三首

和子純韻

贈劉叔擬

送楊伯子

送金陵胡仲方撫幹 三首

都中留隨州李判官

江頭送趙教即席同賦

送許闇二兄歸岳陽

九日寄陳君舉舍人

除夜寄盧菊澗 祖暉

寄桐廬程宰

寄吳子雲

吳尉東閣西亭 二首

湖口宰任伯厚挹清亭

題龔山長棲閣

題永川龍飛英疏榮閣

題黃文叔燕堂 二首

西湖次舍弟潤之韻

雨花臺次胡仲方韻

酒樓

登曠軒

鐵塔寺呈輕老

同曹元章遊新安寺

遊古山

題古山庵

題龍華寺壁

題鴈汊峯東林寺

書高塘庵壁

聿追庵題壁

元宵偶書

寓東陽 二首

泊船吳江縣

送客剡溪

闕景初進納長安相值于西采石話及家事因

與對酌

方竹杖

挽拙庵楊居士二首

蘇吏部挽詩

卷之八

七言絕句

上益公十絕為壽

金烏 玉兔 寶龜 元鶴

壽鹿 丹桂

影木 古栢 佳菊 蒼官

代吳守與趙侯為壽五首

呈徐侍郎兼寄辛幼安二首

官舍阻雨成五絕呈徐判部

呈辛稼軒五首

投楊誠齋七首

上吳居父二首

呈王山父二首

和危教授三絕

送胡仲方二首

寄沈仲居二首進三國志

寄張東之二首

簡胡衛道二首

過無錫見李元德祭酒三首

贈經長老

題自然足軒三首

題東林寺

書越州能仁寺壁

書僧舍壁

西林庵

山末

卷之九

七言絕句

遊清潭呂資益蟠谷十絕

清潭 蟠谷 飲綠 啜羹 初秋 漱玉

舍暉 香徑 谷庵 碧蓮峯

三登徑山而雨或曰龍王相迎予戲以詩

遊古仙岩

欲遊閣卓山

西湖

湖上

弋陽渡頭

初入平氏書院

湖口阻風

蘄州道中

自宣溪過早禾渡二首

釣臺

龔山長樓閣

村店二首

春日書事

春歸

和送牡丹韻

萱草

梅花五首

雪

喜雨二首

聞杜宇

聞鶯

鴈二首

漁翁

聽阮

閑步

夢覺

感舊

卷之十

五言絕句

遊郭希呂石洞二十詠 缺其一

清曠 深秀 書院 谷口 月峽 桂壑

小爛柯 傾月 閔壘 高碧 石井 壺

天 玉佩 飛雪 笙鶴 韜玉 倚劔

樂圃 玉泉

賦

獨醒賦

卷之十一

詞

六州歌頭 吊武穆鄂王忠烈廟

六州歌頭

六州歌頭 淮西帥李詵和仍為書廟額

沁園春 代壽韓平原

沁園春 張路分秋閱作

沁園春 送辛幼安弟赴桂林官

沁園春 寄辛稼軒

沁園春 寄孫竹湖

沁園春 盧菊澗座上時座中有新第宗室

沁園春 寄辛承旨時承旨招不赴

沁園春 送人赴營道宰

沁園春 贈豐城王禹錫

沁園春 遊湖

沁園春 蘇州黃尚書同夫人眷聚遊報恩寺

八聲甘州 送湖北招撫吳玠

四犯剪梅花 上建康錢大郎壽

小桃紅在襄州作古本無此
天仙子初赴省別妾于三十里頭
行香子同郭季端訪舊不過

卷之十二

詞

賀新郎

賀新郎贈鄉人朱唐卿

賀新郎贈張彥功

賀新郎遊西湖

賀新郎平原納寵姬奏方響席上賦

賀新郎閨怨

賀新郎贈娼

水龍吟

念奴嬌回李侍郎大異

滿江紅同襄陽帥泛湖

滿江紅高帥馮太尉席上

水調歌頭晚春

水調歌頭

祝英臺近 同妓遊帥司東園

祝英臺近

轆轤金井 席上贈馬僉判舞姬

唐多令

安遠樓小集侑觴歌板之姬黃其姓者乞詞
于龍洲道人為賦此唐多令同柳阜之劉去
非居民瞻周嘉仲陳孟參孟容時八月五日
也

臨江仙四景

蝶戀花贈張守寵姬

謁金門京口賦與歌者以侑觴

謁金門秋興

鷓鴣天

柳梢青送梅坡

詠茶筮

贈妓

四字

三字

卷之十三

啟事

建康獄中上吳君父

代賀浙東憲

賀留守農卿

賀徐司封兼直院

迎候盧帥程徽猷

代王掌書迎候練教

卷之十四

雜文

為吳縣尉俞灝商卿作排青軒上梁文

與許從道書

贈徐子容說

卷之十五

序跋

閔風先生跋

東陽遊戲序

殿撰侍郎王安撫送改之詩三首

陳狀元同父贈改之詩

竹隱先生徐侍郎五首

東陽呂英父詩

李大方以改之下第賦詩以贈之

龍洲道人詩集目錄終

國家圖書館, NATIONAL CENTRAL LIBRARY, TAIWAN, R.O.C.

龍洲道人詩集卷之一

歌行

西昌劉過改之

著

崑山縣知縣西蜀王朝用校正

襄陽歌

十年着脚走四方胡不歸來兮襄陽襄陽真是用武國上
下吳國天中央銅鞮坊裏兮作市八邑田熟麥當糧一條
路入秦隴去落日彷彿見太行土風沉渾士竒傑烏烏酒
後歌聲發歌曰人定兮勝天半壁久無胡日月買劍傾家

貨市馬托生死科舉非不好行都方萬里人言邊人盡麤
材卧龍高卧不肯來杜甫詩成未帶寫二三子亦英雄哉

多景樓醉歌

君不見七十二子從夫子儒雅強半魯國士二十八將佐
中興英雄多是楚陽人丈夫生有四方志東欲入海西入
秦安能齷齪守一隅白頭章句浙與閩醉游太白呼峨岷
竒材劍客結楚荆不隨舉子紙上學六韜不學腐儒穿鑿
註五經天長路遠何時到側身望兮涕沾巾

紅酒歌呈京西漕劉郎中立義

桃花為麪杏為藥酒醞仙方得新法大漕迸裂猩血流小
漕夜雨真珠滴岷山之北古襄陽春風爛熳花草香乘輅
誰為部使者金閨通籍尚書郎見樣愛民真父母十萬人
家感恩厚鵝兒不酌宜城黃流霞造此江南酒輪蹄日日
行樂同琥珀激灑琉璃鐘珊瑚枝下貴公子人面日色相
爭紅欄干十二開簾幔腰鼓轟雷奏仙樂翠翹金鳳大堤
倡玉纖捧勸羅衣薄人生百歲能幾何海棠花開春較多
有貂可解換一斗醉到天曉待作麼

瓜洲歌

今年城寨明年城瓜洲寇來不能禦賊去欲自囚備哉
淮南鎮禹貢之揚州念昔曩爾虜馬箠輕江流翠華離金
陵人有李郭不幸被帳下見一箭斃其首帝已有遺臭鮮
血粘髑髏敗軍慘無主蛇豕散莫收勢當截歸路盡與俾
馘休申兵洗黃河境土盡白滿天子棄不取區區乃人謀
金帛輸東南禮事昆夷優參差女牆月深夜照敵樓泊船
運河口頗為執事羞

盱眙行

車徐行馬後馳天寒遊子來盱眙功名邂逅未可知生身
畢竟要何為既不起草黃金閨又不待宴白玉墀何不夜
投將軍飛勸上征伐鞭四夷滄海可填山可移男兒志氣
當如斯安能生死困毛錐八韻作賦五字詩金牌即君黃
頭兒有眼不忍重見之志大材踈浩無期逢人舉似人笑
嬉謂為癡人未必癡喚作奇士何能奇

從軍樂

蛟龍寶劍鷓鴣刀黃金絡馬花盤袍臂弓腰矢出門去百
戰未怕臯蘭麝酒酣縱獵自足快詩成橫槊人稱豪但期
處死得其所一死正自輕鴻毛將軍三箭定天山丞相五

月八不毛生前封侯死廟食雲臺突兀秋山高書生如魚
蠹書冊辛苦雕篆真徒勞見時鼓篋走京國漸老一第猶
未叨自嗟賦命如紙薄始信從軍古云樂

登昇元閣故基

脚力倦矣盍少休侵晨更作昇元遊眼中已不見二百四
十尺突兀之高樓但見炊烟萬竈宿貔貅上有啼鴉梁鵲
如泣訴下有藤蔓老樹根據相枝蚪想其結締初匠石巧
與造物侔榘榘拱不知幾大木一木牽挽回萬牛山川
退聽左右受約束日月烏兔早暮東西流阿房之旗矗立
矮如戟臨春結綺望仙三閣俱下頭孟嵬塊潜培塿而已
矣蹄涔洞庭芥為舟挂撐霄漢彈壓大千界下歷梁唐秦
隋晉漢周一朝世故有翻覆禍結祝融回祿與鬱攸灰飛
障天烟燄熾一火三月爛不收遂使觚稜化草莽丹雘成
墟丘吾聞至人後儉初何心有茅一把蓋頭便可留何必
窮極土木事妖怪股削赤子膏血歛以裛是故子劉子不
仙不佛亦不侯視鸞臺鳳閣為遽廬百萬買宅亦夢幻泡
影漚江西豈無家白沙翠竹泉石幽茅簷曝日搔背癢籬
缺墻破手葺修爭如以天地為室廬日月行住坐卧得自

由不為朱門是不作白屋羞有時騎鯨千里遊汗漫有時
蛤蜊遽食龜殼秋彼昇元閣者亟成而復壞腸亦不能為
之斷心亦不能為之憂造物何足云此身自贅疣譽堯跖
桀未必公是非丘蹈兩窖蟻與螻日斜諸公急下山我有
斗酒歸去來兮相與勸酬

大雪登越州城樓

北風吹雪天盡頭蘇州未了來越州越人夜乘剡溪舟鳥
喙還念棲山不吳人載酒登虎丘窈窕萬舞雜清謳迺遷
茂苑來長洲不顧麋鹿蘇臺遊我獨忍凍城上樓欲擒元

濟入蔡州鐵騎突出風颼颼越人驚倒吳人愁

望幸金陵

建鄴水大勝武昌魚有味江東雲不比渭北春天樹春天
門岸律兩岸石壁立石頭鐘阜龍虎東西分推牛醜酒家
家準擬搞六軍翠華不來冷落行宮門泰華不易得天下
關中為本根懷哉金陵古帝藩千船洶兮萬馬屯西湖真
水真山好吾君亦豈忘中原

艤舟采石

我昔南遊武昌夏口之山川赤壁弔古齊安邊又嘗北抵

鶴唳風聲地八公山前望淝水誰令艤舟牛渚磯樓船蔽
江憶時當周郎未戰曹瞞走謝安一笑符堅危黃雲如屯
夜月白箭痕刀痕滿枯骨健兒飯飽飲馬來意氣猶雄歌
尚烈只今采石還戍兵諸將奄奄泉下人飯囊盛飯酒甕
酒去位三衙稱好手

龍洲道人詩集卷之一

龍洲道人詩集卷之二

右詩七言

西昌劉過改之

著

題潤州多景樓

金山焦山相對起，挹盡東流大江水。
一樓坐斷水中天，收
拾淮南數千里。西風把酒閑來遊，木葉漸脫人間秋。
烟塵茫茫路渺渺，神京不見雙淚流。
君不見王勃才名今蓋世，
當時未遇庸人爾。琴書落魄豫章城，滕王閣中悲帝子。
又

不見李白才思真然時人未省為謫仙一朝放浪金陵去
鳳凰臺上望長安我今四海行將遍東歷蘇杭西漢沔第
一江山最上頭天下無人獨登覽樓高思遠愁緒多樓乎
樓乎索汝何安得李白與王勃名與此樓長突兀

清溪閣次胡仲方韻

瓊樹枝新梅蕊迸與君攜手清溪問舊時狎客歌舞場何
似詩人風雪逕溪邊傑閣高峻層左右華屋連飛甍依稀
王謝鳴珂里髣髴簪笏雲母屏古來繁華各衰歇只有不
磨惟壁月小船何處載愁來哀怨一聲吹笛裂

呈陳總領五首

旄頭撓搶銳衝擊殺氣隆隆半天黑千家悲哀萬家哭唐
鄧征魂招不得北斗移杓向西指八月風高塞塵起大軍
忠義赴襄陽飛鳥潛魚未知死黎黔股憂痛無策願得空
中降韓白嗚呼何代無奇才世間未有黃金室

其二

太宗造唐剗隋亂仁義結民過炎漢胡雛負恩逆天紀忠
義回天四方起嗟哉主將失紀律百萬秦人半為鬼浮雲
改變異今古不謂前車眼中睹當時潼關說哥舒今日襄

陽說皇甫

其三

先生文章擅經緯戰法淵源如孔子當時蚤獠沸溪洞一掃蠻風淨如水胸中氣壓萬人將億萬貔貅資餽漢家火德接天統秘計奇謀堪任相願公飛章告天子胡疾如風走如鬼

其四

商渠馳河河可憑精衛填海海可平物情大忌不量力立志亦復嘉專精憶昨痛哭麗正門白袍黑帽如遊魂中書

堂留草茅疏不賜誅戮

光宗恩暮年志氣恥凋喪廣長

陽中弔名將願持上方三寸鐵細剖赤心告 今上

其五

今上聰明過堯湯師王忠純如魏王君王戮力殄仇虜六月戈甲飛冰霜泗州已復漢正朔議飾寢廟修洛陽草茅螻蟻百無用山川豈復中原夢敬湏洗眼俟之清讀公語水中興頌

憶鄂渚

我離鄂渚已十年吳兒越女空華鮮不如上游古形勢四

十餘萬兵籌邊中原地與荆襄近烈士烈兮猛士猛澤連
雲夢寒打圍城接武昌曉排陣書生豈無一策奇叩閣擊
鼓天不知却思仙人白玉笛胡床醉倚南樓吹貂蟬堯
兩岑寂若耶溪傍還作客空餘黃鶴舊題詩醉筆顛狂驚

李白

寄竹隱先生孫應時時為常熟宰

蘇州酒滴如真珠公能醉之酒百壺得閑政恐不來耳來
則倒屣相與俱江山繞樓詩句好奔走萬變同馳驅大書
小草各有能雷電震耀鶯花姝當其半醉尚醒在宛若處

女未嫁夫盃行到手湖海竭翻覆雲雨來須臾義之屈使
坐北面命騷如後僕與奴角巾斜飄鬢毛出筆墨顛倒衫
袖烏回旋左右如有礙歸路不記長鬚扶賓儕指摘士竊
笑亦有好事插為圖或云先生鬱于用浮沉欲以酒自娛
實非能飲姑好客不時斗酒由人湏名余乃是真飲者糟
丘日日鄉何無雖然人亦難意料未可目以為酒徒相逢
擺略邊幅盡胸次開豁無城郭斂藏窮達付之酒不以禮
法自束拘情歸一真舉無偽滑稽玩世為通儒飲之不飲
無不可醉醒醒醉同一區癡人之前莫說夢夢中說夢愈

濶迂客來輒飲飲輒醉此其所以為竹湖不憚他人豈無
酒欲去此脚自懶趨計公之客日有數結束冠帶分坐隅
欲言喉牙物如梗中懷腹非外示愚不如鄙性好誠實退
無所議進不諛歐公自愛曼卿放昌黎亦喜劉義龐滿城
風雨重陽近黃花籬落金英敷山高凜風吹客倒公樓雖
小主者殊狂當相就取一醉有酒飲我無酒酌此即雖狂
亦可喜我去俗子疇當呼世無人兮亦已又公不容我誰
容乎

明州觀大閱

書生燈檠困毛錐說着刀劍何時持忽聞殷殷金鼓震驚
起塊坐筋骸衰國朝右武重秋獮列郡敢不張其威萬家
駢首遮道看戎亦役逐人後隨武夫橐鞬陳整整虎豹拏
攫旌旗麾人言吳兕盡脆弱身髮文斷勇未知不見拔山
昔項羽何必燕趙士始奇軍容粲粲生光輝悲風慘淡殺
氣怒對此忽作邊頭思熊羆不諱曉爭出萬騎馳突寒打
圍紛紛毛血腥原野箭竹正墮驚鴻飛將軍仰笑兵軍負
金帛填委深溝池十年文窮坐百拙感慨一賦從軍詩

嘉泰開樂日殿巖涇原郭季端邀遊鳳山自來美

堂而上湖亭海觀梅坡石林無不歷覽最後登冲
天樓下介亭觀騎射胡舞賦詩而歸

結束戰袍騎戰馬冠軍將軍宛如畫前呵小駐來美堂箭
去弓鳴飛鳥下青林路轉八岓堯湖亭海觀爭為高誰知
鳳舞龍飛外別有樓閣橫雲霄回旋左右皆遊歷人物江
山兩英特風流標致梅嶺梅磊落胞襟石林石側身更上
天上行好風吹下笑談聲山神川后領要東道走虎豹藏
蛟鯨摩挲苔蘚題詩去萬鼓叢中雜胡舞衆賓捧酒壽主
人將軍自是擎天柱看山看水時一來錢塘吳越何小哉

指點中原百城在功名逼人有機會

古詩

涼生几硯窓未糊秋風射入如相呼床頭吳鉤作龍吼便
欲乘此擣穹廬丈夫詩膽如斗大摩挲笑與歌楚些生平
柔腸作鐵堅挑盡寒燈擁襟坐撞鐘打鼓天欲明鴉未知
曉鷄先驚夜來有雨不須問聽取窓前蕉葉聲老僧慣閑
定較可山色朦朧半烟鎖玉簪委地怕禁持消息雨中彈
指過前回十日得一晴遠山松檜如潑青癡雲冉冉自辟
易半江滾滾金龍生桂花畢竟終蹠薄強出婵娟懶梳掠

正緣久不見雲生事半功倍掃蕭索人言快意難得時世
間樂事須生悲轉頭潑墨天地黑依然雨脚如絲垂山翁
豈識神龍志特地霖霖阻遊意不知金鴨香篆長擁鼻猶
可看文戲重重疊疊添青蒼誰知濃翠遠叢篁草木過濕
有香意衣籠篤褥篝籠湯峭巖萬丈苔斑駁日固甚佳雨
不惡晴明晦冥俱可觀芻豢有時薦藜藿愛山之癡如愛
詩或日或雨皆足竒君不見若把西湖比西子淡粧濃抹
總相宜

上譙江州

丘公鎮金陵辛老治京口君王神武欲籌邊九江更使何
人守太守今譙侯德量容九州詩書禮樂晉元帥意度閑
遠和而謀清尊對客溫如玉同上庾樓望西北胡塵萬里
氣壓之客有白頭何碌碌出門烟水空茫茫西為漢沔南
衡湘指點武昌在何許買船又謁吳侯去

觀三疊泉

五老峯北差峩巔龍泉三疊來自天只應開闢便有此山
雲蔽護經歲年一朝何事失扁鑪樵者得之人共傳欲往
從之人憚遠嶮溪絕壑窮攀緣初疑霜崩湧天谷翻若雲

奔下岩宿散為飛風颺輕烟垂似銀絲貫珠玉隨風變態
難盡名觀者洞駭心與目清寒侵袂心益爽清甘熨齒手
屢掬我欲攬之作玉虹似開几丈錦屏風有若揀碧金吳
蓉笑騎揮斥凌太空窮源直到天河東

贈許從道之子祖孫

祖孫今年幾年齒兩髻耿耿垂到耳讀書要以六經先次
第漢唐十七史老夫之見竊不然別有一說為舉似方今
孽胡日衰甚河朔早暮風塵起腐儒酸寒作何用國家所
欠奇偉士丈夫立身兩字盡臣子忠孝而已矣吾觀汝相
頭面濶顏色麓厚黑而紫汝翁七十鬢髮轉汝父科第遲
如此與生生死靈文字土田官人村夫子不如左轡弓石挾
弓肉食封侯差快耳

郭帥遺巖羨

書生窮無食肉相老不能官猶崛強一杯紫巖江西羨萬
戶封侯猶未當主人幕下三十士談王說伯如蓬起日日
椎鮮與擊肥饜飲腥羶飽而已此生只願吃此羨坐看將
軍勲業成金山乞取一片山要看澌澌兒拳短窮人便是

知田漢

舟中

扁舟去門風怒惡舟入深溪雪花落我行無事有底忙且
向荻花深處着隣船乞火炮蛤蜊尊中濁醪把一卮陶陶
萬事不復理凍口且吐寒酸詩

村墅

俗子有錢村亦樂秋田米熟歌牛角三家村墅無官弓夜
半呼盧笑聲譁尋思我輩不如君平生讀書徒若辛遭時
喪亂未得志長策短策無由伸不如賣劍買牛去也學此
翁村裡住只愁夜半月明時得意無人和詩句

題一犁春雨圖後

阿耨無田食破硯奉親日糴供朝飯有田正恐拙把犁何
得更為畫圖看汝父名汝汝當知有田無田未可期有田
不耕汝懶病無田畫田真畫餅畫田之外乃畫牛捕捉風
影何時休頭上安頭入詩軸全家不應猶食粥

龍洲道人詩集卷之三

古詩五言

西昌劉過改之

著

崑山縣知縣西蜀王朝用校正

寄竹隱先生孫應時

竹湖人之英劇縣勇自試三年種菘李遺愛及童稚咸欲
父母之謂吾公之子獨有督郵嫌見謂不了事瑕疵催科
細欲以三尺治八月羈僦樓半年縻隱市小窓天日晴灑
落自胸次抖擻舊塵埃楮札左右置寄傲點畫間揮染當

遊戲人賢世所希嗜好人共貴車馬開填門載酒日紛至
大書極豪放小草亦姿媚斂藏經綸業進此第一義玉版
抄歌詩石碑刻圖記人家錦為軸高壁垂至地襲藏較工
拙臨寫費同異爭如老劉子落魄一狂士半生不識書頗
能會其意寒泉驥馬飲平陵蛟龍起得非久幽憤于以發
奇氣政使鍾鼎踈自足名一世毛錐久見絕一見尚能毒
酒邊袖予詩不譽亦不忌有時奪之去箱篚餘故紙如持
將軍語屢博姑蘇醉

同許從道遊涵碧

犯暑日午來坐到日落歸松桂叢團團竹光淨輝輝乳竇
成濯纓綠染身上衣却傾所携酒對酌老石磯幽鳥當歌
者薦以首山薇斂藏大千界游戲塵尾揮寺門長安道結
東駟馬肥醉鄉訪羶葷屏風肉紅圍我亭不閑鑠何人欵
柴扉掉臂樵檐行藤蘿自烟霏古所謂迂濶若此二子稀
既非携娉婷又乏玉鞍飛不知有何好林泉少焉依境勝
更着語鬼神暗呵譏但知笑他人不覺自己非

湖學別蘇召叟

失學老無成寧不心自慊子卿生吾後逸俊眼未見委身

八鑪錘顧此金百鍊有如頑鈍質豈可便磨剗看君說經
肯不異瓴水建小詩雖有技風味亦不淺我途未易窮本
自安眠飯俯仰道德光耳目自濡染涼風忽秋思一夜窓
紙颭平生湖海夢高興動淮沔思狂蹤跡失處不可掩
醉搥黃鶴樓一擲賭百萬只今覺衰甚四海遊已倦所餘
習氣在未了一第欠師友貴隆親古學當自反小夫事機
械心甚山川險半生客吳粵生死交情見誰知塵土中得
君初識面何時束裝來草草衮衮辦密邇戀軒誠功名期
歲晚

答曹元章

曹元章以謹畏喜義雅為鄉里所重縣官自令佐以來
皆敬之疑若取友必慤莊之士乃如某者實自放于禮
法之外元章既不以狂棄之方且粉飾語言以媚夫非
議我者惜乎相知而未深也唐賀知章逆知開元末年
之變託意鑑湖一曲以歸落魄四明自號狂客互相率
李白劇談痛飲呼為謫仙由今觀之豈不甚怪然黃冠
錦袍屣棄爵祿與夫炙手權門推而不去者其人品孰
為賢否孔光張禹皆大儒平日託經自文當王氏墓木

未拱之秋相與唯阿無骨鯁臣子氣自劉更生死天下
公論之口皆箱而不敢肆鼎祚陸沉緊誰之罪吾觀天
下齷齪之士涓涓皆是後世必有好予之狂者則又系
之以詩其詞曰

先生修廉隅日日自警畏老夫寄杯酒狂亦非所諱酸醜
雖不同各自有正味切莫對癡人說夢其詞費

古意席上為徐子宜侍郎賦

桃李多芳妍開落如春風託身終身天花不百日紅殘月
望朝日各自相西東為君整儀容照水不照鏡為君進甘

旨君視內有董悲歌欲感君聲若君不聞金玉徒結君君
看若浮雲父母長嘆息謂兒好看德脂澤固不妍珠翠亦
無色娉婷艷陽春自醜不自惜君心河漢流為雨不復收
妾心東流水赴海終不止

懷古四首為知己魏倅元長賦兼呈王永叔宗丞

戴少望

言理不可求吾將訊蒼蒼草木被春華

才高

未為福名大或不祥煌煌太史公逸氣橫八方瑞麟出非
時巷伯終見戕晏嬰不可作鮑叔遙相望發憤著春秋掩

奪日月光文章誠可傳毀辱庸何傷

其二

高高黃金臺燕趙爭趨風後來得荆卿息禮盡鞠躬丈夫
易感激况在窮厄中編衣登素車函谷照已空呂政當野
死燕丹無奇功俠骨化為鐵血變海水紅英憤氣不磨今
為亘天虹

其三

天地有大經聖賢實先覺一身萬世則激厲為忠樸周勃
真少文汲黯信無學歸然社稷臣漢脉終有托微臣有楊
雄百拜羨新作男兒無英標焉用讀書博

其四

嗣宗黨司馬徒爾舖其糟叔夜屹玉山落落崑崙高神仙
之可求
湯或非聖人况識卿與昭一死繼結
纓孤竹爭清標蕩陰一杯血綵鳳無凡毛鷓鴣嗜腐鼠竟
絕終身交

雨寒寄姜堯章

一冬無此寒十日不得出閉門坐如鉤老去萬感入冶遊
亦餘事况乃燈火畢獨怜鏡湖春一一各秀發枝條綴芳

粧慘悴變倉卒凡草何足云誰弔梅柳屈東城有佳士詞
筆最華逸持此徃問之雨濺袍袴濕蠻箋定送似來時詩
思澁醉字作蛇鴉行草倩蘇十

海棠得無字

步障蜀州錦重重碧羅襦嬌多不勝春十五未嬪夫我欲
金屋之貯以貢上都窈窕飛世間穠李待綠珠冶容致人
疑詎知非妖狐雉扇開綠綺君王麗華俱後庭非無花有
寵爭得無八姨淡手抹誠粧不施朱不如玉環翠睡起恣
態殊人言花傾國况乃下蔡乎

謁郭馬帥倪

千金買駿馬百城市蛾眉長安酒家樓揮洒驚人詩天子
不得臣公卿氣吞之俯視兒女輩自詭男子奇誰知金陵
都五年重來茲黑貂日以弊塵埃鬢成絲故人風雨散知
已今為誰郭侯山西異而有熊豹姿魏嵗西忠廟喬未人
所思垂芳到雲仍大將奕世為兄弟各三衙父子步武隨
萬戶侯冠軍金印何纍纍雖然平戎策終鬱未得施方今
群胡擾似覺虜運衰建鞞軍其西會以蒙國斯蛇豕互吞
噬干戈極猖披盜賊毛蝟起斂民及刀錐父老思漢官壺

槩漢王師吾君自神武妙策出籌帷收攬天下才尺寸不
可遺機會一日來恢復此其時况如郭侯者禮賢正謙卑
使之會雲龍列城歸指麾安知古中原不使同驅馳過也
久淪落狂名諸公知然亦壯心膽志慕鞭而夷脫靴奴將
軍舉扇障元規有音世不賞詩酒聊自嬉霜風忽無情一
夜吟徹肌高卧百尺樓閉門無晨炊起視匣中劍依舊光
陸離有思或可報一死不辭

悲淮南

淮民窮到骨恐復椎其肌不知鐵錢禁作俑者為誰行商
斷來路清野多流離主人日邇來四牡驅以馳或云易之
是或云收之宜幾人困徃返逐：文書移救焚卒無策燎
火爰益滋緬懷征權初山海煮摘時雖云便公家亦復撓
其私今者縱虎狼而使渴與飢蕭：盧蒂林日夜邊風吹
悲哉淮南民持此將安之

俞太古嘗扣閣上書有名天下予甚敬之相會于
姑蘇將歸洞庭讀舊書以壯其行

人樹俱不堪歲月駒隙過老懷泪如洗欲唱誰當和洛陽
今少年弊事勞力破精神經百鍊鋒銳堅不挫陶名滋惟

舊歎席快一坐氣餒九霄虹磊落萬玉貨平生牀上下樓
輒讓子卧諸公吮疽耳不去良可唾洞庭秋風熟肆掌情
勿情有詩寄來看上拙吾能課

九日鄂渚登高楚觀分韻得能字

一山如龍來起伏力不勝老夫跨其脊半空欲飛騰尚念
同遊人一二東南朋稅駕為小留木末朱欄凭遠水天共
濶秋風響飢鷹城郭千萬家營壘相依憑年々重陽節高
處盡可登南樓與北榭遊覽昔所曾插花楚觀上醉舞僅
所能驚倒地上人白日看上昇

讀書

重尋讀書盟筆硯已荆棘只堪把鉏在趣此尚有力世途
風波惡躬履見險側敢云賣文活一錢知不直

思故人

朋從紛如雲益覺索居甚肺腸百憂集午夜不安寢長恐
木石心化作妻孥錦日暮懷佳人霜風悄寒凜

歸耕

途窮百無成或許營菟裘依然大槐宮蟻穴夢封侯人生
眠飯耳物外亦贅疣科名付諸公老矣吾歸休

自歎

群公列屋居官貴輒鼎台艷粧照珠翠寒谷噓春回書生
窮蹇甚一笑百禍胎何時業債盡面目還本來

贈鄉人周從龍談命

廬陵儒萬人頗亦出青紫老子三不歸未省鄉里士暮年
罕交遊僅識子周子風流屬當行豈止談天耳夜從青樓
飲一醉幾欲死

送程伯俞赴海陵蘇使君之招

紅裙簇雕筵一醉當鯨吸使君若問余為道貧徹骨

龍洲道人詩集卷之三

龍洲道人詩集卷之四

律詩七言八句

西昌劉過改之

著

崑山縣知縣西蜀王朝用校正

代壽韓平原 五首

衣鉢登庸復舊氈
文王尚父趙平原
自從慶曆到今日
只說開禧初改元
朝闕東齋廣東閣
夜看南極照南園
九霞觴
萃先旬
泱却領千官壽
帝垣

其二

際會風雲振古難十年袖手且旁觀要令隣敵尊裝度必
向東山起謝安一品千齡靈壽杖五公四世進賢冠功成
裂地封留了却趨赤松盟未寒

其三

疇昔張旃過相時相人爭覩漢官儀未能鐫刻燕然石不
忍摩娑畫錦碑慷慨欲平千載恨經營已數十年遲要令
閱古詩篇偉好讀車攻復古詩

其四

國付平章衆正開凌烟錄盡到雲臺鷺鴻充序皆桃李羔
鴈成群及草萊強國斷無逾此策隨車未必盡真材更須
妙幹垂綸手看取靈熬上手來

其五

宇宙之間物、春成踈曾不問陶鈞裔分裴韓東西春誼
篤嗣宗南北隣中令諸孫難徧識栖筠族子老堪親試捐
內奉拘孥迹無異平原十九人

壽建康 太尉

萬里寒風一布袍特將詩句謁英豪正當武曲臨凡世恰
值驪龍出海濤五馬盡投千歲鶴六軍爭敵萬年桃不因

此日滄溟近一釣那能得巨鰲

慶周益公新府

潭：新府列名卿玉帶金魚喜氣橫
能廣萬間庇寒士定容駟馬向高閣
午橋在江上江山秀獨樂園中花草榮
總作美哉輪奐頌清臺又奏相星明

辨周益公

一曲歸欤浩：歌世間無地不風波
人從貧賤識者少事向艱難省處多
紫塞將軍秋佩印玉堂學士夜鳴珂
太平宰相不收拾老死山林無柰何

代上譙太尉

丁寧天語聽傳呼叱咤雷霆壓萬夫
澤國使臨殊玉節彤墀香近惹金爐
慶逢龍躍風雲潤職有蟬聯父子俱
援手墜淵餘事爾故人有子在泥塗

謁易司諫二首

已死姦諛老舐牛非才詎可鎮西州
豺狼逐去群狐惧鷲鳥雖多一鷓秋
天下孤寒有生意諸蕃元帥為清修
太平更有當事未可庶纖只麼休

十載長安五徃來立談無語口慵開
懶看齷齪隨時士誰是艱難濟世才
韋布豈無堪將相廟堂未易賤蒿萊
上書欲謁平章去光範前肯自媒

上金陵章侍郎二首

龍虎東西兩踞盤帝教彈壓此山川
風行魏蜀三分國浪靜江淮萬里天
半面旌旗佳麗地十州鼓角鬱蔥邊
便當擊楫中流誓莫使鞭為祖述先

其二

欲上雲霄虎豹關失身一落市城間
經過魯肅指時廩想像謝安遊處山
去國夢魂愁切切感時淚滴血斑斑
少凌却欲依嚴武妻嫂輕人未敢還

上袁文昌說友知平江五首

秀骨如仙孕武夷故教手筆世宗師
隸分唐漢諸家字句厭陳黃二子詩
茂苑雨晴花發處洞庭霜重橘黃時
塵埃俗吏那能此一段奇功自可知

其二

車馬城中早上忙子城內裡看星郎
十州已茂園扉草一炷初凝畫戟香
銅剖虎符新雨露玉持使節舊風霜
明年

櫻筍成時候不在烏臺即玉堂

其三

欲上姑蘇望虎丘小邦寧有此風流山川形勢今三輔人
物英雄古列侯華屋鱗：冠蓋里盡橋曲：管絃樓金陵
蜀郡俱疎遠除却皇都第一州

其四

行盡淮南日：東自携隻影入吳松人生五馬方知貴客
老諸侯嘆未逢適意秋風寧為鱸驚心半夜忽聞鐘十年
無計離場屋說着功名氣搗胸

其五

已辨行都欲去船箇中因得少留連長安在望空悲日刺
史誰知別有天鼓吹後車喧水際旌旗前騎簇花邊書生
不願懸金印只覓揚州騎鶴錢

寄李侍郎

未照玉堂金炬蓮地官董正職尤專常經要足邦中賦勝
筭猶煩馬上鞭黃閣少湏持紫橐黑頭早已繼青氈方今
講論肥民策不數橫流地上錢

寄湖州趙侍郎

桑柘村、煙樹濃新秧刺水麥梳風舟行苕霅雙溪上人
在蘇杭兩郡中鼓角麗聲相旦莫旌旗小隊問青紅主人
夙有神仙骨合住水晶天上宮

謁淮西帥

家住徐城未卜還歸心正在杳冥間東遊吳會三千里西
入成都一萬山解使愁腸能寸寸空令淚眼已斑斑此情
不告英雄帥說向兒曹總是閑

謁金陵武帥李奭時叩殿帥為易憲章求書碑

江南無此一雄藩穩稱將軍小踞蟠韜略世傳天下少隸
華鼎峙帥臣難狂胡要使如灰滅中國先須大器安恠恠
塵沙天欲雪北風凜凜劍芒寒

其二

搏虎屠龍而未成蕭然華髮一書生狂蹤潦倒初無定老
氣崢嶸自不平借馬飽遊雲夢澤歸舟小駐石頭城磨崖
已辨中興頌洗眼西湖看北征

呈李漕

默禱神仙政隱憂天心人意已周流旱苗已槁七八月甘
雨如期十五州風葉冷吹雲夢晚水花新浸武昌秋異時

白紵輸官處知有豐年萬斛收

其二

塵埃破帽倦騎驢一雨窮途快有餘
盆盎自天傾
羸龍蛇平地起
堦渠冷侵絺綌
覺太甚
聲滿梧桐殊不踈
口業未償詩有債
夜深燈火小
窓虛

喜雨呈吳察按

使君人物舊烏臺
天聽雖高力挽回
湖水欲平江為退
秋田未旱雨先来
雲隨黃鶴遊何許
風滿南樓亦快哉
涼意入秋清可盡
月岩知有桂花開

又

黃鶴山前雨乍過
城南草市樂如何
千金佑客倡樓醉
一笛牧童牛背歌
江夏水生歸未得
武昌魚美價無多
棹船亦欲徜徉去
古井而今淡不波

謁京口張守

未識諸人各已候
一麾應此滯徐州
誰知安石恐未免
欲借寇君何可留
遺愛與山同北固
平生作計豈東周
上方已聽尚書履
聲在星辰最上頭

又

危樓年少記登臨老矣重來力不禁風月欲談嫌許事山
川不險似人心淡煙衰草鄉閭遠細雨黃花節序深雖有
小詩行樂處世無知己為誰吟

上劉和州燁

戟外梅花角有声使君心與月華明郡當采石今衝要船
在烏江罷戰爭酒賤人家歌袴飲地寬客子帶刀耕太平
官府無公事見說香凝燕寢兵

又

草樹荒寒脫葉枯又尋短棹泛焦湖場經古戰心欲折客

老諸侯飢更驅去國寂寥從白眼籌邊謀畫看洪儒袖詩
來謁公應記曾說襄陽厠產隅

雪中呈顏使君棫升堅

一冬所欠者雪耳造物忽然如戲兒清甚牧之江上郡朗
吟次仲館中詩試燈夜靜疎梅落賣釵村深小麥滋多少
使君調變意風流只有化工知

又

陰陽舒慘剎那間刺史天高見一班人物眼中如水鑑世
情身外不冰山滌除瑕垢與掩匿彈壓風雲俱澁慳羔酒

帳金翰武將煇茶蕭寺對僧閑

喜雨寄徐東陽

和州昔有賢從事今作東陽父母官
百里望風皆畏易四郊得雨及時難
秋成有望米價減水滿不爭民業安
私事定多公事少不妨閑寄故人看

謁江華曾百里信夫

摠衣三十年前事曾似諸生傍絳紗
一國所尊吾句下雙鳧猶遠令江華
時來館學總餘事老去衣冠懷故家
共怪我門郊島外任生尚有一劉又

又

鬢髮已皤非故吾依然破帽老騎驢
江南遊子斷腸句漢殿逐臣流涕書
父祖松楸三世塚弟兄桑梓百年居
孤丘未死歸心切未有相如駟馬車

贈鄂渚李廣文

曾去征袍異主恩青衫君已染塵痕
故人然諾千金重刺史文章一代尊
楚澤地多增感慨峽江天小易黃昏
要知後夜相思處細雨青燈獨掩門

贈侯戎

江淮萬里以詩行此老胸中有甲兵何止踞鞍猶矍鑠試
教落筆便縱橫逢時有用真才出知己不遭儒者輕若見
英雄今馬帥為言劉子尚狂生

贈趙道卿

虬髯蝟鬚虎精神大袖披二尺巾散盡資財猶結客略
為言語便驚人斬蛟橋下懲前失藏兔窟中甘後塵朝士
只今誰着眼顛狂羸得且安身

贈陳時可

交遊半世已公卿猶抱遺經對短檠負米過于扛鼎重選
官難似上竿行百年母子命相倚一片忠忱謹為明烟火
小樓風雨夜歲寒時得話平生

呈胡季解

老病顛狂藥不醫龐豪罵坐欲何為前生縱使希真是已
死尚存忠簡知顛倒六經鸚鵡舞瀾翻一曲竹枝詞雖然
結轡王生借人以此賢張釋之

簡李文

衰髮蕭騷半欲絲尚能隨隊作兜孃棊無殺意從人活琴
有仁声却自悲落魄陳平歸漢日中傷張祿入秦時諸公

莫作狂夫看恐是英雄未可知

陪趙丞飲東軒留題

冠蓋如雲許後陪酒紅醫老上吾腮
轉旋舞影乾坤窄搖撼歌聲風雨來
漁網撒池蓮葉老龍涎薰坐桂花開翠蛾
捧勸同文字商畧西風更百杯

龍洲道人詩集卷之四

龍洲道人詩集卷之五

律詩七言八句

西昌劉過改之

暑

崑山縣知縣西蜀王朝用校正

上張紫微真仙

真仙元是昔于湖
今在高樓何處居
霏玉不容陪席論
撥灰猶為作行書
雲霞縹緲來旌節
瓊玖玲瓏聞佩琚
幽顯殊途人世隔
冷風吹雨送回車

送劉從周教授

鳳閣鸞臺次第留此生何必為身謀工夫到易通三聖緊
白持身第一流桑梓靜思如子少萍蓬自嘆此生浮還鄉
君有過從便會盡人間只點頭

送王東卿歸天台

枚數人才難倒指有如公者又東歸班行失士國輕重道
路不言心是非載酒青山隨處飲談詩玉麈為誰揮歸期
趁得東風早莫放梅花一片飛

又

千岩萬壑天台路一日分為兩日程事可語人酬對易面
無慙色去留輕放開筆下閑風月收歛胸中舊甲兵世事
看來忙不得百年到手是功名

送劉允救還浙東

樹倒群公尚不飛先生于此獨知幾殺身無益事成敗閉
口不言心是非吳渚尊鱸張翰去鑑湖風月賀章歸從教
血染長安帟一舸清風眠釣矶

送友人得館遊南康

匏大從來速售難依人高戴誤儒冠江南又客諸侯去梅
子愁人四月寒半世光陰旋蟻磨百年舉子上魚竿世間

多少不平事盍向廬山靜處看

寄張都幹蒙正

林深葉密綠陰繁
荷漸生芽蒲有根
心事蹉跎過歲月
故人落莫共乾坤
舟行蓴菜水雲浦
路入楊梅烟雨村
何日扣門尋子去
一樽相對話黃昏

寄郭德順

玉弟金昆共七人
典刑惟有此公存
一區未蓋楊雄宅
滿座嘗傾北海尊
人品細看真第一
詩篇遠寄不辭煩
筍輿歸路無人管
風雨瀟湘行暗村

寄郭伯瞻

聖門力學錢公輔
盛世能書蔡伯喈
出處有時安義命
咲談無我見襟懷
桂花香滿山堂闢
秋氣清連石洞偕
只好放教椽筆健
留將大字寫磨崖

醉中寄王子林

我頭扶病醉岑岑
履歷糟丘歲月深
行路隨身惟一劍
對花買笑亦千金
離鄉老去天涯淚
上冢淒其寒心食風雨
閉門無客過爐香
銷盡夜沉

寄呂英甫

清時消散坐才疎收拾窮愁却著書詩筆有神通夢寐
標不俗更清癯黃花細雨圖江路落日西風處士廬抖擻
塵埃舊時帽不妨覓句倒騎驢

又

秋到山家冷不知但驚風露入新詩低頭欲拜無東野
耳惟聞說項斯骨骼昂藏雲鶴瘦吟哦淒斷雪猿悲文章
已得真消息三十科名未是遲

寄潘文叔

不隨千騎過淮陽夜渡關山却一航臭味偶同貧更好功
名有志老何傷自甘商皓來東閣敢怨陳登卧上床欲擊
單于知力倦歸來且理舊詩囊

寄程鵬飛

往事遊邊憶少年未嘗携乃刺五侯門春風躍馬漢南道落
日椎牛淮上村科舉未為暮年計途窮不忍向人言男兒
慷慨頭當斷未有人施可報恩

襄陽雪中寄江西諸友

雨溢風慳夜向闌粉花飄撲客衣單功名有分平吳易貧
賤無聞訪戴難懶逐銀盃行處馬靜思玉鑑舞時鸞詩成

咫尺誰堪寄當與邦人醉底看

舟次富池寄九江諸公

既無文彩又顛狂五十餘年夢一場錯認我為林子晦也
教人喚知賀章樽前鶴翅從誰舞老去槐花尚自忙船解
酒醒人不見長江萬里水茫茫

南康解后江西吳運判

一節西來已駭傳不堪歸去便湘川舟行彭蠡輕文種酒
到潯陽酹樂天臺諫久無公議論朝廷新有驟除遷臣心
畢竟終憂國不敢瞻烏涕泫然

又

萬里西征一葉舟誰怜天地此生浮初征秋浦雁飛處又
洎江南霜葉洲貧困盡從歸後見雄豪丰為病來休十年
心事閑搔首菰雨蘆風總是愁

湖口解后張伯豐同行

萬里無人獨自行得君逆旅慰東征聯同騎馬相先後共
作詩詞迭唱賡僕向洞庭和雪渡船從湖口帶冰撐明年
袍綠荊州去遇有西人好寄聲

西湖別舍弟潤之

幾度歸程入夢間
秋鴻社燕兩為難
西湖半夜風雨急
交泗一床心膽寒
落第我為中酒味
園橋子亟洗儒酸
臂弓秣馬長淮去
莫笑狂夫老據鞍

張帥幹席上口占

海樹婆娑日出東
一年窮處已殘冬
春衫濕到西湖雨
鬼夢覺來長染鍾
梅擲白英樓壓鳳
燈挑紅焰劍纏龍
便教分間持麾去
未愜平時錦繡胸

姑蘇送王武崗不值訪汪仲冕席上口占

嚴城夜出鼓鼙鳴
畫鷁三更不見踪
何必披雲尋樂廣
真成避雨識茅容
蘇花似雪玲瓏白
臘酒如春琥珀濃
若使世間無我輩
老夫何處不窮冬

毛積夫席上口占

夜聽南窓金屈枝
水花涼果似秋時
人言愛酒陶元亮
坐有能詩無本師
顛倒六經鸚鵡舞
瀾翻一曲鷓鴣詞
同遊未可輕相笑
恐是長庚未可知

放翁坐上

林霧霏飛曉意涼
野梅綠盡已傳香
幸哉世事日相遠
怪底詩情老更狂
蠟蟻三盃浮重碧
春膏一幅研輕黃
何如

放浪形骸外盡乞江湖作醉鄉

次劉啟之韻

豪結交遊三十年暮年識子海霜邊
江西折派詩同社鴻寶傳家子已仙
無用白鬚甘我老有才青眼望誰憐
譬如飄泊湓城下篁竹蕭疎無管絃

次張昌化合溪新亭韻

不礙溪流水不平主人平處主鷗盟
兩峯呈秀出天造雙澗同流到地清
尚憶經過曾對酒欲來登覽恨無名
仙凡咫尺紅塵隔草、題詩浪亦評

次合溪新亭韻昌化縣

燕尾溪流上下分中餘里許地翻平
林疎邑屋高低見水漲舫船來往輕
坡老已仙誰傑作詩人為縣得重評
唐山見說雙溪館今見雙溪亭又成

次呂簿池亭韻

舉盃邀月到幽塘月入波心碎夜光
倒影簾花翻翠色飛梭錦段織芳紅
是中有客供千首此外無塵染六卽
昨夕主人閑立久一身風露帶天香

次史良夫寄題雲岫

輕烟薄霧任渠行幽壑深崖歎我生變化不知天地濶歎
藏只要日星明肯同蒼狗移常熟每為鳴鳩放好晴便趨
風雷助滂霖人間七筋不須驚

長干寺用荆公韻

縈紆一徑試幽尋花竹禪房未是深野水不波清欲凍崇
岡有竹翠成陰琵琶昵昵怨兒語蘭麝温温和水沉詩句
欲追前輩後誰呼粉黛行清吟

和都幹并柬允道

老子舌名舊白眉客窓相款話心時相猶忘我吾無法骨
已換仙君有詩尊菜羹香春冉上塵遊臺上草離離一樽
吊古平章看未羨君王郡牧麾

和印監寺玉簪花

得、尋芳聽自由名花先占八分秋鷺鷥折股晚風冷姑
射遺簪勝地幽霜葉皺痕羅扇薄香苞破處雪衣柔一瓶
一鉢休岑寂騎鶴腰錢豈易謀

詠余商卿梔子花

香不知求色自然朝來何許雪華鮮如行佛國參知識未
嫁仙姿益淨娟梅子已黃猶夜雨客遊方倦作春眠地卑

山近征衣潤不費薰爐一炷烟

與青原正庵老

倦行老矣徧東南最後青原識正庵
無法更求身外說有禪應許意中參
春風遶寺雨華墜石鼎烹茶泉味甘
暫脫塵囂聊稅駕與君相對款清談

簡能仁禮老

幻身到處等空虛習氣依然未掃除
栢樹子邊尋祖意旃檀林下伴僧居
三千世界初無礙十二時辰得自如
牛糞火堆煨芋熟時拾得懶殘餘

贈張道士

修廊行盡到山齋中有高人百念灰
門外不知春出筍池邊惟見地生苔
內丹久煉龍長在大藥將成鶴屢來
想見年々朝玉帝眉間一點淡黃開

贈永嘉張相士

青城遊遍蜀中山歸看公卿飽已諳
桀鵠稍能見德祖興亡何闕百曹參
諸公富貴紙上語滿座風雷終日談
我似北人君記取偶然留滯在東南

贈述士

一性圓明俱是佛四方落魄總成仙
逢人只可少說話賣卜不須多覓錢
退一步行安樂法道三箇好喜歡緣
老夫亦欲挑包去若要相尋在酒邊

夜思中原

中原邈：路何長文物衣冠天一方
獨有孤臣揮血淚更無竒傑叫天閭
閔河夜月冰霜重宮殿春風草木荒
猶耿忠孤思報主揀天劍氣夜光芒

龍洲道人詩集卷之五

龍洲道人詩集卷之六

律詩七言八句

題鳳凰臺

公子飄然有俊才此臺翻覺在塵埃
江淮浩渺洲渚沒鳳鳥寂寥鴻雁來
時事不言惟拄笏書生無用且啣盃
生平自厭胸中窄萬里霜天一日開

題池州一覽亭

西昌劉過改之

崑山縣知縣西蜀王朝用校正

著

塵土中無絕妙詞不能重賦翠微詩淋漓醉墨揚廷秀慷
慨悲吟杜牧之巖壑尚多吾足倦江山信羨客歸遲夕陽
鴉點城門閉堤上鞭垂萬柳絲

題高遠亭

戍古城荒地勢雄一亭分半庾樓東廬山面目今真識江
漢朝宗此會同司馬宅荒惟苦竹元規塵遠尚西風胡塵
只隔淮河在誰為長驅一掃空

賞心亭

何人將我此來遊白鷺那知客有愁如子矜持山玉立似

予迂濶水盤洲塵襟抖擻風雲入石刻磨娑歲月流惆悵
謫仙鷺取遠離、別恨黯灘頭

龔山長樓閣

柳徑參差小葉藍不知世有府潭、楊雄宅就巢枝一去
病家寒繞樹三從史諸公時爛漫勸酬終日酒醺酣出門
萬里江邊去塵滿征衫我甚慙

南康天開圖畫樓

樓外烟波渺去鴻樓頭廬阜翠摩空故知造物鋪張巧不
費丹青點染工赤壁江山橫夜月輞川亭館卧秋風祇今

滿地無圖畫盡在西灣杳靄中

建鄴酒樓落成預點燈

高樓百尺久摧頽輪奐重新亦壯哉
徹夜笙歌催臘盡
聒天簫鼓挽春回
都人雜沓揮千鎰
我輩登臨謾一杯
京國繁華欣再覩
老來醉眼更堪開

洞霄

杖藜乘興到瓊宮
滿目幽奇景莫窮
山鎖九層雖極遠
洞庭五處自相通
侵雲天柱籠朝霧
傍水清陰弄晚風
可惜春禽啼曉月
又催行李過江東

同許從道登園翠閣

清潭石洞遊俱徧
最後來尋此閣遨
樹木滿林成瓦蔭
溪山圍縣恰周遭
結交有味貧何害
薄酒雖村飲亦豪
明日重陽吾未去
更于何處可登高

同郭殿帥遊鳳山寺探桃李

蕙纖小雨久于梅
喜得新晴亦快哉
五色波光麗鳩鵲
十分雲氣近蓬萊
旌旗側畔宮牆轉
戈戟叢中武庫回
走馬看花生怕晚
果然桃李一山開

雲晴遊惠山

松杉如立密當門長在山中管送迎棲石草根留雪在響
堦蒼溜滴春声簿書撥置君能到碑刻摩娑眼倍明欲作
小詩無好句只題年月記經行

遊窄鼻山

倦遊華髮老飄飄意氣依然在九霄努力尚能登窄鼻
廢詩無可寄參寥款斜古寺雲為屋穩帖溪流石架橋安得
柳間桃李動丹青吾欲盡生綃

登白雲絕頂

雨罷新晴怯宿寒一簾秋色滿闌干欲窮大地三千界頓
上高峯八百盤累世避人秦父母一時驚客漢衣冠塵寰
元有清吟處便作三山蓬島看

登清涼臺寺

江南江北許多山到處登臨得凭欄老木漸丹霜有信怒
濤衝岸水生寒倦遊半世烏三匝往事千年指一彈落日
正西催上馬依依回首問長安

又借韻小行

杖屨尋詩問所由一天草木葉知秋天低雲淡村村好雨
過山深物物幽斑駁岩頭苔蘚濕鉤輞樹尾鳥声柔眼前

不見市朝事始笑從前利祿謀

大麓道中

竹輿鴉軋曉烟收蒼玉岩崢萬里秋路轉羊腸回草徑溪
分燕尾遠沙洲愛山有癖須還債覓句無工是不休晴得
幾時尤更好桂花待蓄作針頭

登凌雲高處

攝衣更上一層樓總到層霄最上頭方識乾坤真轉轂好
知身世付虛舟九秋草木嵐烟濕萬里山川海氣浮吏欲
杖藜窮望眼眼中何處認神州

過泰和宮

林塘漠漠亂花飛門掩蒼苔過客稀蝴蝶與身俱是夢杜
鵲憐我幾時歸徐行便當籃輿穩清話何妨羽扇揮四十
九年蘧伯玉此生畢竟是耶非

過西興

奔濤洶湧欲騎鯨船去錢塘棹子停何日子骨鞭楚墓傷
時周顛泣新亭蚊蟲過耳蠻音恐鰕蟹薰入海氣腥吳下
阿蒙非昔日眼高相對有誰青

遊北墅

客裡浮沉又一年春風北豎故依然路邊花有香相引澗
下松無色可憐仙鶴舞隨人擊筑神鴉飛傍客歸船何須
故掃霜前葉却起東風學曉烟

呂氏山堂喜雨

涼滿蒲葍磊落枝倦遊來此亦忘歸溝渠水活龍蛇動樹
木月明烏鵲飛欣減黃梁新米價愁生白苧舊征衣風沉
却扇團欒坐一夜談兵玉麈揮

兩作妨登山 三首

莫嘆林宗折角巾雨師堅壁助愁城菰蒲乍冷橫烟淡鷗

鷺驚秋立水輕山勢欲窮猶有路溪流似斷又聞聲好懷
聊擬携筇去政愜農夫荷笠耕

又

暑風快處岸烏巾去、扁舟遠帝城過眼溪山含霧重多
情草木逗烟輕琴書政要踈人事禽鳥蹙然聽履聲莫恨
漏天霖雨惡鷄窻好、筆為耕

又

杖屨飄然不整巾綠何問得梵王城淡烟翠濕千螺皺微
日烟銷一紙輕隔山鳥語如人語觸處風聲若水聲見說

一犁今已足，咲歌蓬首餉夫耕。

掛塔松窩

十年南北走東西，豪氣崢嶸老不衰。
快斬妖魔三尺劍，朗吟風月五言詩。
山無福地吾烏徃，神有靈丹世不知。
却恐松窩知此意，一包掛搭更何疑。

鹽官權學

人生百歲等歡悲，已判行藏任所之。
筆硯重尋驚夢覺，課程聊復伴兒嬉。
荒原傍海多閑趣，閉戶觀書有倦時。
破帽塵埃人已矣，不妨更借蹇驢騎。

鹽官借沈氏屋

借宅西頭對短檠，一燈相對紙窗橫。
煨燼火活蹲鴟熟，沸鼎茶香蠅蚓鳴。
萬卷讀書空老大，諸生蓋世盡功名。
依稀草木還鄉去，更向夜深聞兩聲。

入徽州

白傅庭前正解船，夢中忽已過番川。
紅塵冉冉行天上，黃道駸駸近日邊。
石洞歛溪俱可硯，山肥徽路總堪田。
採茅便欲僑居去，柰此功名未了緣。

寓公坊

秋風漸、正吹涼似報歸期未欲忙尋路竹間深入寺泊
船沙外遠依庄小槽壓酒珠紅滴新飯炊粳雪白香更聽
夜來思遠浦軍聲十萬似錢塘

六合道中

十年曾此記來遊有策中原一戰收蒲柳易凋嫌勢去金
湯無用卒和休悲風鬣鬣鳴刀斗缺月參差照敵樓廟食
封侯何日事不堪老馬又滁州

醉中偶成

小院蒲萄月架東舞腰忙越鼓聲雄詩成彩筆分題後人

在金釵賭令中秋葉冷吟風浩蕩晚林烘透日玲瓏腰間
若佩滁州印定有人呼作醉翁

無錫道觀

門外紅塵市一塵買瓜買李興悠然樹根石透月灑落殿
閣屋多風折旋賣墨道人勤置酒能詩老子欲飛仙觸髻
南面蛆虫輩鵬鷗逍遙各自天

招義銘育王見佛照

豪傑書生勝散仙小庵藏迹得安閑禪曾勘破諸公去詩
在推敲一字間夜雨滴殘梧葉老夕陽行處水花慳買舟

便欲乘風去孤絕同遊海島山

金陵雪中

風幻寒威夜撲人曉看雲脚四垂陰收羝塞上功名淚騎
馬藍閨窟逐心冷面不春愁竟結凍鬚如鐵恐蕭森盡燼
醉撥灰為字不為閑思暖帳金

對雪 效樂天

匣中雷吼一長劍溪上月明多少舟無賊可平閑李愬有
人不訪倦王猷銀盃綉帶從渠便瑤樹瓊林得自由衣弊
獨嫌灰絮料簾高想見月垂鉤

觀白鷺州風濤

一聲雷鼓挾風威頃刻衝濤沒釣磯行客駭看銀漢落陽
候驚起玉山飛蛟龍便尔爭先化鷗鷺茫然失所依安得
長竿入吾手翩然東海釣鰲歸

偕陳調翁龍山買舟待夜潮發

來逢春雨長魚苗去見秋風擘蟹螯久矣歸心到鄉國依
然水宿伴魚舠一天如許昏明月二客所須惟濁醪今夜
四更潮有信更須留眼看銀濤

發舟

寶氣亭前首問途清颼日日送籬條
丹楓無處不愁客白鷺有情如導
吾青竹閑垂任子釣紫鱗時掣
季鷹魚烟波渺江天晚水宿又聽
溪鳥呼

舟中偶作

日日拖舟上碧溪寒灘水淺草離
尺書鴈斷歲行盡五兩風輕帆去
遲白鷺導吾如有志丹楓愁客亦
何為閑頭要趁梅花約更着寬程
五日期

舟中

下水南風未覺難我舟不動穩如
山東西日月尋常事變化煙雲頃
刻間沙鳥似鷺皆退避林巒如畫
亦渾閑歸期只欲長安近屈指何
時到北關

霜寒舟中

展轉牛衣冷不禁著人無柰曉寒
侵由來十月清霜重况乃荒村白
露深有客分金來摘社何人塗血
染楓林不堪青女來料理折盡衰
翁一片心

春日即事

久客無人問所須小窻翻得遂痴
愚黃昏以後酒三盞白日之間飯
兩盂穀兩筍茶俱俊美條風把扇
競甘胞先賢

且謂可復賤况是平生山澤臞

又

出門雖是欠陶朱便使閉門亦可居物價甚廉常食肉傭
資極省易抄書安吏樵社知無用若比叢林似有餘歸與
未歸天上事只消如此看何如

幽居

對面滄浪可濯纓不思泛舸出春城浮沉粉社何人重俯
仰茅簷是事輕玉盞連屏寒徙倚蒲萄上架月緞橫江湖
老矣無他願只欲清陰便得成

自述

扁舟送客出姑蘇曉泊吳江夜雨餘波浪稍平風力定青
黃相間橘林疎匆忙亭館催行酒草率盃盤旋買魚與我
壁間書歲月無人為作小王書

又

精神凋耗鬢毛衰劫火光中第幾回無可奈何教老去有
恃猛省忽愁來師崇道學元非偽客寄蘇州却類欬明日
重陽又佳節得錢且醉菊花盃

自慚

一榻晉人去便垂自慚非友亦非師初無伎倆惟貪酒遇
有工夫或賦詩曬日棗林紅磊落響風梧葉碧參差人家
正做鱸魚膾老子秋來却自悲

下第

蕩々天門叫不應起尋歸路嘆南行新亭未必非周顛宣
室終湏召賈生振海潮聲春洶湧挿天劍氣夜崢嶸傷心
故國三千里總是餘杭第一程

歲晚

手種疎梅已發妍相從三過客中年吾生豈得湏如意隨
處何妨且信緣風月心多特小醉軒裳夢少且閑眠萬人
海裏能如此是自在禪并散仙

龍洲道人詩集卷之七

律詩五言八句

西昌劉過改之

著

崑山縣知縣西蜀王朝用校正

代上韓開府

位貌鈞樞弇元勳闕閱傳九重新洗日一柱獨擎天
戰守籌帷外遷除化筆邊衣冠圖盛事不記幾貂蟬

上周少保二首

游戲公孤了歸來不愛名昌黎前進士司馬老先生有節

花宜晚無波水自平翳雲遮不得南極益精明

其二

早被儒冠誤依稀老更侵科名數行淚岐洛一生心自哂
亡猿木誰怜躍冶金使無鍾鼎志何地可山林

初伏闕上書得旨還鄉上楊守秘書二首

郡大廬陵古分符得秘即息爭民珥筆課最米連檣水隔
蓬山遠風凝畫戟香少須官事了歸去玉為堂

其二

百計歸無策誰知禍有胎江河周顛泣城郭令威來訪舊

鬚俱白過家心欲摧故鄉非不好不是錦衣回

上范秘監二首

郡大當塗古分符得少蓬威如烏府在令與綉衣同鈴閣
綉書外花村賣劍中少需撫摩意來作玉堂翁

其二

疇昔經行路黃山更一過天涯知己少歲晚客愁多路斷
車生角冰堅水不波使君森畫戟聞此盍如何

寄周益公

猥賤詩難化謹囂語不齊長途難短堠小雨易深泥逐利

如爭鹿傷人類割鷄心雖懷益國夢亦畏江西

和大參相公三首

松深烟鎖暎月冷水明樓日漲滄溟窄山陰古木秋琴書
超物表氣宇識神遊突兀東南壯乾坤第一流

其二

氣壓三千界雲橫百尺樓地靈絕興替木老閱春秋杖屨
逍遙處琴書汗漫遊利名空役々回首愧禪流

其三

山邃龍燭窟江昏唇吐樓撞鍾千百指閱世八千秋僧咲
衣冠累天容杖屨遊松梢清影碎薄月帶沙流

和子純韻

橋下水如箭驚奔萬古號溪毛翻碧帶石蘚襯銀濤天外
千層秀雲低數尺高垂々興偏惡蓬鬢為詩搔

贈劉叔擬招山

不醉何勞飲無詩底用吟百年為客老一念愛鄉深草路
青原淚烟波白鷺心班超歸未得想見舊家林

送楊伯子

天下少奇士况乎吾一州逢人問姓字知子有源流蘭砌

多黃口蓬山半白頭誠齋知未可喚作小坡休

送金陵胡撫幹仲方二首

故家凋喪後初識澹庵孫玉樹明庭角冰漸吐話言荊州
得上幕楚壤帶中原我欲附舟去白魚朱橘繁

其二

共醉百斛酒千金一咲傾寄情桃葉渡弔古石頭城戢守
籌雄地更番出戍兵甕天雷不住圖略遂西征

都中留隨州李判官

幸自東南好西歸未可忙茶添橄欖味酒借蛤蜊香絕品

宜春醉新烹趁日長倒囊煩厚載歸遺北人嘗

江頭送趙教即席同賦

東州二三子相送黃鶴磯渭北烟樹合江南春水肥波寬
魚意足沙淺鳥痕微我亦欲東去斜風雨濕衣

送許閻二兄歸岳陽

岳鄂舊遊處重來歲月更聯翩識吾友邂逅慰平生風送
故人遠槐催舉子鷺扁舟更珍重萬里莫留行

九日寄陳君舉舍人

白髮江湖暗青燈几席涼病身幾千百佳節又重陽命也

吾何柰天平孰可量元龍樓百尺猶得慰行藏

除夜寄盧菊磎

見說盧夫子詩成手自書雪便金帳暖雲蔭玉川居椒葉
儲名酒洋羹薦野蔬夜寒裊犢鼻應念馬相如

寄桐廬程宰

路入嚴州去桐廬得暫過盤飧湯餅賤機杼綺羅多令尹
哦詩治居民酌酒歌吏入公事少門雀可張羅

寄吳子雲

曾是仁軒客飄零老更窮棹船秋葉浦策杖桂枝叢往事

都如夢新詩不用工草廬消得幾不許卧隆中

吳尉東閣西亭二首

襲桂行香徑朱欄稍轉西水風颭石冷雲月墮簷低棋敗
深杯罰詩豪健筆題舞忙釵髮亂更為捧柔莢

其二

石板橋東閣軒窓如此華碧虛澄水鑑紅影侵霜花似串
歌雲駐如泥醉帽斜但驚風露冷飄落忘還家

湖口辜任伯厚挹清亭

政咲行役倦登臨心眼開舒斬千里見蜀贛西江來老覺

樹如此涼生風快哉主人方好客不筭酒行杯

題龔山長棲閣

愛客龔山長能容日、過栽培初種竹愛護乍生荷堂對
青山短門闕白日多細聽閑議論不似我狂歌

題禾川龍飛英疏榮閣

堂扁朱書字何人可得之三衙新統帥六館老宗師文武
無窮意江山不盡詩親恩如可報會有報君時

題黃文叔燕堂二首

仕宦不惬意有家胡不歸林棲鳥反哺梁語燕于飛鷗鷺

忘之久貂蟬貴者希但存慈母健日舞班衣

其二

着屋圖畫東四山樓觀重專添張翰思橘當李侯封湖水
自平淡花枝多冶容興來詩已就只可酒千鍾

西湖次舍弟潤之韻

奮說西湖好春來更一遊林逋山際宅蘇小水邊樓行密
柳堤鬧樹多花影稠天堂從此去真箇說杭州

雨華臺次胡仲方韻

寒意溫烟草浮生吹浪花繞臺皆峻嶺陳迹一飛霞子醉

辭吐鳳吾狂字落鴉兒童應咲客風颭角巾斜

酒樓

夜上青樓去如迷洞府深妓歌千調曲客雜五方音藕白
玲瓏玉柑黃磊落金酣歌恣蕭散無復越中吟

登曠軒

去春曾共客攜手過橋來寺蔭松極美鳩深桃不開紅塵
萬里去白首一年田淨洗曠軒眼雪天閑看梅

鐵塔寺呈輕老

樹木有古意軒窓多野情斷岡城一帶齊岸草叢生醉骨

風蟬蛻病身沙鳥輕惜無東野筆琢句闕僧清

同曹元章遊新安寺

畏暑倦杯酌修廊散步行寺深藏古意蟬老帶秋聲去就
諸緣薄窮通一念輕更尋水清處為我濯塵纓

遊古山

信步作幽討有庵如此深佛燈明老屋秋日淡疎林栢樹
袒師意松楸老子心十年棄墳墓洒淚一悲吟

題古山庵

薄醉來遊此西風吹帽紗倦鴉叢密樹涼雨濕秋花題壁

人何在哦詩句未加一杯湯餅具坐到日西斜

題龍華寺壁

春事梅邊動荒江信馬行久窮知遠舉多瘦怯衣輕今日
龍華寺昔時黃姥城廢興吾已解一醉萬緣清

題鴈汭峯東林寺

鴈汭泊船去岸頭閑訪僧故人留少駐俗子見何曾佛屋
擎天柱心光續命燈任渠狂到死吾老慢騰騰

書高塘庵屋

庵上木已拱山前水可陂崢嶸晦翁字突兀大參碑雲葉

孤飛白鳥群反哺慈傷心前輩盡問道欲從誰

聿追庵題壁

路轉羊腸曲山藏蝸角深樹多成蔭密水少亦悲吟露草
重陽淚風花寒食心摩娑墓銘看久立讀碑陰

元宵偶書

磊落東遊客磨陀旦過僧有懷千不足自顧百無能奮日
名城酒他時夢境燈放歌聲激烈醉倒睡騰騰

寓東陽二首

元帥東陽主令君吾故人可憐九華客猶是一窮民古狂

狷士人間自在身，化工都不管何地有陽春。

其二

不學老無似艱難，却飽諳遠從陶靖節來訪杜征南。意到
羹藜適貧猶食薺，甘惜無廬可卧尚遠鵲枝三。

泊船吳江縣

草樹連塘岸人家，半橘州煖寒尋酒去。覺懶罷詩休逆境
年，夢勞生處、愁天涯倦行客。明日又蘇州。

送客剡溪

送客山陰路，春風散馬蹄。縱觀神禹穴，深入子猷溪。嫩草

綠于染，珍禽嬌已啼。去程千萬里，步、有雲梯。

闕景初納進，長安相值于。西采石，語及家事因。典
對酌

未有還家策，故鄉吾太和。龍洲沙石健，快閣水雲多。塲屋
科名累，江湖歲月磨。茅柴一杯酒，相對柰愁何。

方竹杖

鶴骨風前瘦，龍姿雨後鮮。鋒稜四面峻，節操一生堅。肩篠
行隨適，看山倚最便。徒教方有礙，終不效規圓。

挽拙庵楊居士 二首

前輩晨星似如公，抑又希榆邊遊已倦。
菊徑晚方歸，聽雨
兄同老。冲天子欲飛，傷心彈指頃。一夢故人非。

其二

尚憶龍蟠國，城西作客時。有山皆載酒，無日不虞詩。
風雨交遊散，江湖淚眼悲。百年心事在，只有鳳雛知。

挽蘇吏部

奕世徵文獻，逢時仕學優。愛遺邈却在，官止外郎休。
月黑新塋夜，溪橫舊隱秋。從遊老賓客，欲替二孤愁。

龍洲道人詩集卷之七

龍洲道人詩集卷之八

七言絕句

西昌劉過改之

着

上益公十絕為壽

金烏

崑山縣知縣西蜀王朝用校正

金翰振曉近天威
玉宇循環晝影遲
曾上大裘頭上看
煖然可愛是冬曦

玉兔

雲淡星疎月有光
廣寒仙府歲偏長
多應自製延年藥
振古長同桂子香

寶龜

納錫曾看上九江
又聞簷事奉儲皇
巢成荷上規仙景
左顧溪中賜印章

元鶴

緱山橘井共青田
驅策風雲友列仙
名號橫空心萬里
九臯聲動九重天

壽鹿

年永曾聞葛稚川
玉京何處錦紋鮮
賞花應制嘉賓宴
小雅當為第一篇

丹桂

少壯東堂奏捷功
浮香仙籍繼家風
年々占得中元景
一顆冰輪照九霄

影木

枝如華蓋聳瀛洲
永世香風在再浮
時有群仙來弭節
細聽鳴鳳碧枝頭

古栢

冰條雪葉節高堅
臺憲風生凜凜然
可羨堪為棟梁用
主唐千載尚三千

佳菊

壽客尤宜在壽鄉
鈿花的皜傲新霜
更歌華壽今歸去
尚
有淵明野趣香

蒼官

東封已受大夫封
又入丁公吉夢中
祇道濟時作舟楫
荻神尤有濟人功

代吳守與趙侯為壽 五首

地蟠江漢節巋然
勁氣扶輿幾倍年
白玉丹砂浩無數
夜光隨處見山川

其二

氣運由來有盛衰
循環久矣見天機
黃山雲散無塵滓
上將騰光入紫微

其三

虎頭燕領足奇謀
玉帳兵形象水流
此去閩河應不遠
上方擬築望英樓

其四

丈偉當年記鄂城崎嶇蜀道播英聲何如衣錦扮榆杜卧
護元戎十萬兵

其五

夜上南樓望玉京將星光底壽星明不須便即騎黃鶴且
為皇家致太平

呈徐侍郎兼寄辛幼安二首

當年今日誤承恩自倚容華託至尊門外遊絲難駐目依
然青草暗長門

其二

狼臂將軍戰不休當時部曲已封侯夜深
夢燕山月猶

幸君王晚更收

官舍阻雨十日不能出悶成五絕呈徐判部

學弄筆頭見戲事風流眼底亦無之汪孫已往周洪沒本
分作家今是誰

其二

竹隱先生名滿世自為琴子已詩聲春風若入五花判莫
遣紫薇紅藻驚

其三

秋霜烈日生前操流水行雲意外詩未必中興四君子于斯二者更無之

其四

潦倒傍門羞騎馬倦游老欲寄崑留山將造請嘯嚙口慷
慨狂歌泉石間

其五

世間別有人才在臺閣招徠恐未多半老江湖半巖穴為
公一賦草廬歌

呈稼軒五首

精神此老健于虎紅頰白鬚雙眼青未可瓢泉便歸去要
將九鼎重朝廷

其二

閉門翹足觀山睡松檜鬱然雲氣高說夢向人應不信碧
油幢下有旌旄

其三

書來賜以蘭溪酒下視潘翁奴僕之吾老尚能三百盞一
盃水不直吾詩

其四

卧廬人昔如龍起
鼎足魏吳如苜閑
若結梅花為保社
林逋只合住孤山

其五

書生不願黃金印
十萬提兵去戰場
只欲稼軒一題品
春風侯骨死猶香

投誠齋七首

省齋去國良齋老
不獨宣尼嘆乏才
試數諸公有名者
廬陵那得兩誠齋

其二

蓬萊東觀是亨衢
經國文章要鉅儒
頓着五花猶未判
却于注易下工夫

其三

畫戟門邊春晝長
鼎新模範宿淮陽
吏人僣眼報公事
一瓣濃薰斑馬香

其四

智愚上下爾自異
尺寸不差公短長
畢竟昌黎仍舊好
何曾人說段文昌

其五

綾衾厭入承明直却把一麾江上來雲氣隔天迷望眼不
堪花落幾宮槐

其六

夫子声名號浙西作成文士欲何為達人胸次元無翳芥
子湏彌我獨知

其七

初政寰區望太平黎民樂業喜更生裴公用舍無輕重天
下從茲有重輕

上吳居父二首

時平無事清吟好衛霍貪功未足竒爭似一篇人膾炙四
方傳誦卧龍詩

其二

廟堂陶鑄人才盡流落江淮老病身尚踏槐花隨舉子不
知鄧禹是何人

呈王山父二首

踈烟淡、樹重、略得西南有路通鍾板不鳴山寺靜閉
門人在月明中

其二

辨得草廬我便歸玉堂何處有梅枝
歲寒老樹雖荒寂會有臘殘春到時

和危府教三絕

先生場屋文之虎氣懾狐狸自不知
老去莫嫌官尚冷灞橋風月要新詩

其二

天上群仙臺望居芹宮未是辱泥塗
莫耶變化湏臾事一點一鎔金在爐

其三

行脚諸方履歷深似禪和子寄叢林
試拈朝報一轉語以道觀之無損心

送胡仲方二首

略無一物將人意更逐行軒去似飛
騰把清吟供惠送聊將遠出當依歸

其二

鄭公句在貧何恨劉毅家寒淚一揮
窮達極言鄉義重此行畢竟是耶非

寄沈仲居二首進三國志

十年鉛髮絲秋獨抱成書四海遊
三國諸人應夢裏一
番公案又從頭

其二

萬死中原百戰爭流芳遺臭各垂名
思量陳壽已饒舌又
費先生一管城

寄張東之二首

見山堂上山如畫二十年前曾客來
風絮滿城歸不得江
南老却賀方回

其二

紫驕借得將軍馬垂柳西湖第一橋
欲傍酒家做寒食腐
儒何日有狐貂

簡胡衛道二首

淮北山南幕府開江淮誰念有遺才
出門萬里長安道乞
我于潛馭馬來

其二

結束弓刀鞍馬間精神矍鑠我猶頑
褒衣博帶休相笑前
帶頭巾金帽環

過無錫見李元德祭酒三首

戀樹棲禽煖不飛不知弓繳有危機
李膺若悟尊鱸好應悔江南不早歸

其二

高門掃日鳴珂里吹竹彈絲煖響中
寂寞一區如此宅世間却有兩楊雄

其三

新變文章學未成青雲無路致吾身
應逢墊角諸生嘆欲效林宗却整巾

贈經長老

菜肚老人禪已飽愛人從史作詩僧
客來無處着歡喜一語不曾談葛藤

題自然足軒三首

秋老萬斛潑踈籬瘦玉蕭蕭拂盡簷
鵲尾爐中香篆冷矮窓袖手對楞嚴

其二

翠竹無多第一竒政憂喧聒俗人知
清風自足老僧用只是窓前欠好詩

其三

有竹無生不費鋤，停楚王影癯，風師自是識人意，何用縱橫十萬夫。

題東林寺

爾自貪癡不肯閑，江南多少好青山，老夫為不愛官職，買得狂名滿世間。

書越州能仁寺壁

流年轉眼一飛梭，如此頭顱柰老何，狼籍落花春不老，竹鷄啼處雨聲多。

書僧舍壁

綠楊染水濃如畫，天氣欲晴風自和，二月杏花猶未放，一春分外覺寒多。

西林庵

雪汁融、溪棹回，此山林竹亦佳哉，看殘未了槐巖在，筍蕨肥時又一來。

山未

山未踈紅尾，霞晚烟叢薄，是人家移船更喜，歡香好，狗摘花開媚淺沙。

龍洲道人詩集卷之八



國家圖書館, NATIONAL CENTRAL LIBRARY, TAIWAN, R.O.C.

龍洲道人詩集卷之九

七言絕句

西昌劉過改之

着

遊清潭呂資益蟠谷十絕

清潭

一潭清淨水無泥潭岸無泥石更奇擬待月明垂釣去前
溪雨足怕龍歸

蟠谷



逶迤路逐驚蛇去轉盼不知身已高雪積萬層山四合碧
油幢外有旌旄

飲綠

野花紅白倚巖開只可臨風自一盃謹莫放教公子見恐
携窈窕入籠來

初秋

老子垂々秋露下九月空山天氣寒黃花剝開且勿剪留
得一秋烟雨看

啜羹

香不求知色正青々于九畹見飄零山中若有離騷伴痛
飲吾知勝獨醒

漱玉

帝所森巖寂不喧九閩虎豹守天門何人奏事含風殿日
晏鳴珂下紫垣

含暉

濕雲將雨過溪東石澗灘鳴水勢雄忽作晚晴秋更好月
來林外透玲瓏

香徑

一花帶盡香氣滿何況叢生樹兩行風露益高秋雨足請
君來此撼琳瑯

谷庵

窮廬架屋石稜層香火西風只一僧日晚課經猶未了閑
門先點佛前燈

碧蓮峯

前山崛起青蓮朵色掃晴室如葉開若擬室花猶未了室
中安得有峯來

三登徑山而雨或曰龍王相迎予咲而戲以詩

細雨霏、洒路塵龍神有意迓嘉賓世間小節成姑息盡
念熬焦烈骨人

遊古仙巖

白蘋風裏步清秋來作靈巖古洞遊咲倚飛雲訪仙跡夕
陽無語伴人愁

欲遊閣阜山

仙梯難上塵緣重俗駕勒回山有靈烟靄模糊雨昏黑數
峯疑在夢中青

西湖

西湖、上山如畫二十年前曾客來飛絮滿城歸未得江南老却賀方回

湖上

五行撩我到錢塘花底題詩句亦香莫高吟三十韻敢煩詩伯為平章惜

弋陽渡頭

車聲盡日滑黃泥怕聽空桑叫竹鷄風雨不知春早晚柳條搖綠半江垂

初入平氏書院

雪屋彈琴泛作聲寂無人語紙窓明倦遊識破諸緣妄心與梅花一處清

湖口阻風

冒雪衝霜已十程狂風乃敢厄吾行無人說向江神道莫待明年却世情

蘄州道中

如箭陰風劈面吹雪花斜夾雨垂、胸中自有平戎策路入蘄州冷不知

自宣溪過早禾渡二首

雨後斜陽未見晴
曉看紅日報寔明
筇輿十里宣溪路
剗地濃雲脚裏行

其二

梅欲揜春菊
送秋早禾渡口晚烟收
風從灘上催船過
袞起寒沙一併流

釣臺

百尺難量大丈夫
問他出處意如何
乾坤已付劉丈叔
從此先生歸釣魚

龔山長樓閣

不知此是何人宅
楊柳雖底屋却高
見說圖書皆仗物
六經之外有離騷

村店二首

林深路轉午鷄啼
知有人家住隔溪
一塢鬧紅春欲動
酒帘正在杏花西

其二

溪邊猶掉酒船回
冷水灣頭雨意開
一路有詩吟不穩
當初悔不共君來

春日書事

薄雲籠日護初晴
沙岸潮來春水生
閑傍柳堤騎馬去
一鞭春色柳風輕

春歸

百花開盡到酴醾
一片春心又欲歸
可恨東風留不得
謾教啼鳥怨斜暉

和送牡丹韻

娉_上嫋_上洛陽花
合在瑤池阿母家
乞與老人渾不愛
白髯相對鬢烏紗

萱草

不盡人間萬古愁
却評萱草解忘憂
閑花若總閑憔悴
誰信浮生更白頭

梅花五首

人間不盡春來意
恰則一枝梅更踈
待得和羹幾時在
祇今風月上新除

其二

香氣惱人休不得
荒林月裏夜相過
花應咲客有底急
客若不來花柰何

其三

凍雲垂雪欲落雨澁風慳如此寒分折南枝與君看老
夫自要北枝看

其四

高門拂日瓊為樹呼我不來那肯過不知此花有何好寒
鄉月用亡何

其五

寂無人語斷回程日落未落孤山橫平湖水濶何許去傍
竹邊松自好行

雪

醉枕醒來夜未央倦身轉展壓黎床映窓色皎猶疑月刮
骨寒知不是霜

喜雨二首

誰借長鞭策懶龍黃梅水漲舳舻通還知君子憂雨切常
在桑麻稼穡中

其二

北方旱氣與兵連猶恐淮州亦蔓延數日下田新雨足不
應千里不同天

聞杜宇

杜宇幾聲烟靄外相思只在蜀山陰閑愁不共花飛盡羸
得傷春一片心

聞鶯

東風扶日上花枝恰、幽禽弄煖時百轉忽驚春夢破聞
闌后上話相思

鴈二首

朝隨漢使到天涯暮與江鷗宿浦沙歲晚客途營一飽稻
梁多處即為家

其二

萬重山水萬重雲歲々江南客此身天末西風晚來急數
行飛下一汀蘋

漁翁

短篷三尺寄烟波短褐休々歲月過江海不知戎馬事酒
酣搔首唱漁歌

聽阮

絳蠟攢花夜氣橫樽前更着許風情却將江上風濤手來
聽紗窓側阮聲

閑步

山往無人鳥篆沙
杖藜閑看摘新茶
錦綉委地荀翻籜
黃玉滿林松帶花

夢覺

夢回斜日轉花陰
時有黃鸝送好音
高卧草廬人不識
東風啼鳥獨知心

感舊

羅結同心柳帶青
碧桃香裡記將迎
春風重到憑欄處
腸斷江樓不忍登
龍洲道人詩集卷之九

龍洲道人詩集卷之十

五言絕句

西昌劉過改之

著

崑山縣知縣西蜀王朝用校正

遊郭希呂石洞二十詠 缺其一

清曠

筍輿呶啞來路轉此歇脚長風挾秋下深意滿萬壑

深秀

蒼髯萬松宮窈窕一徑開請回俗士駕切莫呵殿來

書院

力學如力耕勤惰爾自知便使書種多會有歲稔時

谷口

三

水流自何許遠欲窮其源石梯苔蘚層微有屐齒痕

月峽

兩崖隔東西裏有一帶天老蟾更多事駕月下潺湲

桂壑

叢、萬橫拔羅生雜松篁不以巖穴幽歲晚政自香

小爛柯

戲游一彈棊歲月駒隙過不如兩忘機石上跏趺坐

傾月

去、山轉深樹下益淒冷時有月烏飛間碎梧桐影

闕雲

仙官已降勅雅有新遷除乞為此閣使雲物屢卷舒

高碧

小山碧嶮峒直上與天齊詩成欲磨崖藤蘿費攀躋

石井

銀床遠周遭一規寒浸水試敲拄杖看恐觸蛟龍起

壺天

逆溪隨水行更上紫翠峰朱欄忽飛閣映帶烟霞重

玉佩

借榻卧雲屋

枕子細聽誤疑鳴珂走不知水冷：

飛雪

山前大雪飛路自何處入蒙茸六花亂冷澣征衣濕

笙鶴

木末俯清軒獨立久延佇何人騎鶴來髣髴吹笙侶

韜玉

至寶不自獻韜藏亦英華餘香被草木秀擢幽岩花

倚劔

石間自塵礧三嘆不用久如去到人間為儂洗磨垢

藥圃

古丈不可賣未覺賣藥非侵晨荷鋤往暮得芝朮歸

玉泉

石磔沙澗壑悠々潭影斜塵襟不忍濯為惜無玷瑕

賦

獨醒賦

有貴介公子生王謝家冰玉其身委身糟丘度越醉鄉一
日謂劉子曰麴蘖之盛弃土相似釀海為酒他人視之以
為酒耳吾門如市吾心如水獨不見吾廳事之南豈亦吾
之胸次哉矮屋數間琴書罷陳日出內其有餘閑散疲憊
于一伸摩娑手植之竹枝葉蔚然其已青此非筦庫之主
人乎其實超衆人而獨醒劉子曰公子不飲何有于醉
猶不知醒為何謂若我者蓋嘗從事于此矣少而桑蓬有
志四方東上會稽南窺衡湘西登岷峨之巔北遊爛熳乎
荆揚悠悠風塵隨舉子以自鳴上皇帝之書客諸侯之門

發鴻寶之秘藏瑰乎雄辭而偉文得不踰于一言放之如
萬馬之駿奔半生江湖流落齟齬追前脩兮不逮途益窮
而日暮始寄于酒以自適終能醜醜而涉其趣操危執瓢
拍浮酒船痛飲而談離騷白眼仰卧而看天雖然此特其
大凡爾有時墜車眼花落井顛倒乎衣裳弃我側而不整
每事盡廢違昏而盡省人猶曰是其酪酏者然也至于起
舞將鬚不遜罵坐芥視天下之士以二豪為螟蛉與螺贏
兆謗稔怒或賈竒禍矧又欲多酌我耶今者不然我非故
吾覺非其未遠掃習氣于一除馱飲杯酒與瓶甕而日踈

清明宛在其躬泰宇定而室虛譬猶醞酸出雞蓮生于泥
糞壤積而菌芝疾驅于通道大都而去其疾藜當是時也
豈不甚奇矣哉夫以易為樂者由于險以常為樂者本于
變是故汨沒于是非者始知真是出入于善惡者始認真
善今公子富貴出于襁褓詩書起于門閥頡頏六館世襲
甲科游戲官初嚴以自律所謂不類之珠無瑕之璧又何
用判醒醉于二物公子聞而嘆曰夫無倫者醉之語有味
者醒之說先生舌雖瀾翻而言有條理胸次磊落而論不
訛雜子固以我為未知醒之境界我亦以子為強為醉之

分別于是取酒對酌清夜深沉撥活火兮再紅燭花燦兮
熒々淡乎相對而忘言不知其孰為醉孰為醒

龍洲道人文集卷之十一

詞

西昌劉過改之

著

崑山縣知縣西蜀王朝用校正

六州歌頭 弔武穆鄂王忠烈廟

中興諸將誰是萬人英
身草莽人雖死氣填膺尚如生
年少起河北劍三尺弓兩石
定襄漢開魏洛洗洞庭北望帝
京狡兔依然在良犬先烹過
舊時營壘荆鄂有遺民憶故
將軍淚如傾○說當年事知恨苦
不奉詔偽耶真臣有罪

陛下聖可鑒臨一片心萬古分茅土終不到舊姦臣人世
夜白日照忽開明袞佩冕圭百拜九原下榮感君恩看年
年二月滿地野花春鹵簿迎神

六州歌頭

鎮長淮一都會古揚州升平日朱簾十里春風小紅樓誰
知艱難去邊塵暗胡馬擾笙歌散衣冠渡使人愁屈指細
思血戰成何事萬戶封侯但瓊花無恙開落幾經秋故壘
荒丘似含羞○悵望金陵宅丹陽郡山不斷鬱綢繆興亡
夢榮枯淚水東流甚時休野竈炊烟裏依然是宿貔貅嘆

燈火今蕭索尚淹留莫上醉翁堂看濛濛雨楊柳絲柔咲
書生無用富貴拙身謀騎鶴來遊

六州歌頭 淮西帥李訢和仍為書廟額

高皇神武善駕馭豪英攘北狄驅群盜命天膺救蒼生柰
夢繞沙漠隔溫清屈和好召大將歸兵柄列樞庭公指汴
京威已振河洛不顧身烹失一時機會嗟左袵吾民痛岳
家車孰扶傾○久沉寃憤七十載還復遇帝王真表遺烈
錫王號日照臨激士心始識安劉計寧禍已是忠臣我乘
傳訪壁壘想精明英氣凜然若在題扁昭揭天恩咲原頭

荒草死不能春交怨人神

沁園春代壽韓平原

玉帶金魚綠鬢朱顏神仙圖畫把擎天柱石空晉綠野濟
川舟楫閑艤西湖天欲安劉公歸重趙許大元勳誰得如
平章看人如伊呂世似唐虞○不須別樣規摹但收攬人
才多用儒况自昔軍中膽能寒虜而今胸次氣欲吞胡紫
府真人黑頭元宰收斂神功寂似無歸來好正芝香枣熟
鶴瘦松癯

沁園春

張路分秋閱作

萬馬不嘶一聲寒角令行柳營見秋原如掌鎗刀突出星
馳鐵騎陣勢縱橫人在油幢戎韜總制羽扇從容裘帶輕
君知否是山西將種曾系詩名○龍蛇紙上飛騰看落筆
四筵風雨驚便塵沙出塞封侯萬里印金如斗未愜平生
拂拭腰間吹毛劍在不斬樓蘭心不平歸來晚聽隨軍鼓
吹已帶邊聲

沁園春送辛幼安弟赴桂林官

天下稼軒文章有弟看來未遲正三齊盜起兩河民散勢
傾似土國泛如盃猛士雲飛狂胡灰滅機會之來人共知

何為者望桂枝西去一騎星馳。離筵不用多悲喚紅袖
佳人分藕絲種黃柑千戶梅花萬里等閑遊戲畢竟男兒
入幕未南籌邊如北翻覆手高來去某公餘且畫玉簪珠
履倩米元暉

沁園春 寄辛稼軒

古豈無人可以似吾稼軒者誰擁七州都督雖然陶侃撥
明神鑒未必能詩常袞何如羊公聊爾千騎東方侯魯稽
中原事縱匈奴未滅畢竟男兒。平生出處天知算整頓
乾坤終有時問湖南賓客侵尋去矣江西戶口流落何之

盡日樓臺四邊屏障自斷江山魂欲飛長安道算世無劉
表王粲疇依

沁園春 寄孫竹湖

問訊竹湖竹如之何如何未歸道吳山越水無非佳處來
無定止去亦何之只怕秋來未能忘耳心與輕雲一樣飛
愁無柰但北窓寄傲南澗題詩。人生了事成癡算世上
又無公是非恨雲臺突兀無君子者雪堂流落有美人兮
踈雨梧桐微雲河漢鍾鼎山林無限悲陽山縣是昌黎悞
汝汝悞昌黎

沁園春 盧菊澗座上時座中有新第宗室

一劍橫空飛過洞庭又為此來有汝陽瑄者唱名殿陛王
川公子開宴樽壘四舉無成十年不調大宋神仙秀劉才
如何好將百千萬事付兩三盃○未嘗感于懷嘆自古
英雄安在哉看錢塘江上潮生潮落姑蘇城裏花謝花開
道號書生強名舉子漸老雪從頭上催誰羨汝三千珠履
十二金釵

沁園春 寄辛承旨時承旨招不赴

斗酒彘肩風雨渡江豈不快哉被香山居士約林和靖與

坡仙老駕勒吾回坡謂西湖正如西子濃抹淡粧臨照臺
二公者皆掉頭不顧只管傳盃○白言天竺去來圖畫裏
崢嶸樓閣開愛縱橫二澗東西水遠兩三南北高下雲堆
逋曰不然暗香浮動不若孤山先訪梅須晴去訪稼軒未
晚且此徘徊

沁園春 送人赴營道宰

萬里湖南江山歷歷此吾舊遊看飛鳧仙子張帆直上周
郎赤壁鸚鵡滄洲盡吸西江醉中橫笛人在岳陽樓上頭
波瀾靜泛洞庭青草東整蘭舟○長沙會府風流有萬戶

娉婷簾玉鉤恨楚城春晚岸花檣燕還將客送不是人番
且喚陽城更招元結摩撫三闋歌詠休心期處筭世間真
有騎鶴揚州

沁園春贈豐城王禹錫

自注銅瓶作梅花供尊前數枝說邊頭舊事人生消得幾
番行役問我何之小隊紅旗黃金作印直待封候知幾時
盃行處想淋漓一醉明日東西○如椽健筆鸞飛重為寫
春風陌上詞便平生豪氣消磨酒裏世間此樂兒輩爭知
霜冷貂裘夜寒水如飲到月斜猶歸仙山路有笙簧度曲

聲到琴絲

沁園春遊湖

柳思花情湖山應怪先生又來想舊時談舌依然解使六
丁奔走驅斥風雷翠袖傳觴金貂換酒痛飲何妨三百盃
人間世筭謫仙去後誰是天才○碧念盡鼓船齊胸次典
乾坤一樣開試雲間招手下呼餘子逡巡去矣但覺塵埃
若是花時無風無雨一日須來一百回教人道玉山自倒
不用人推

沁園春蘇州黃尚書同夫人春聚遊報恩寺

緩轡徐驅兒童聚觀神仙畫圖放芥泥雨過芹香路軟金
蓮自策小、籃輿傍柳題詩穿花勸酒嗅蓋攀條得自如
山行處有松篁夾道不用傳呼。清泉石下盤紆筭風景
江淮各異殊記東坡賦好紗籠舊壁西山句妙簾捲晴虛
白玉堂深黃金印大無此文君載後車孟行處想淋漓醉
墨真草行書

八声甘州 送湖北招撫吳玠

問紫髯去後漢公卿不知幾貂蟬誰能借晉侯筋暑祖生
鞭依舊塵沙萬里河洛染腥羶誰識道山客衣鉢曾傳。

共記玉堂對策欲先明大義次第籌邊况重湖八桂袖手
已多年望中原馳驅去也擁十州牙纛正翩、春風早看
東南王氣飛遠星躔

四犯剪梅花 上建康錢大郎壽

水殿風涼賜環歸正是夢熊華旦解連環 疊雪羅輕稱雲
章題扇醉蓬萊西清侍宴望黃傘日華籠輦雪獅兒金券
三王玉堂四世帝恩偏眷醉蓬萊。臨安記龍飛鳳舞信
神明有後竹梧陰滿解連環咲折花看橐荷香紅潤醉蓬
萊功名歲晚帶河與礪山長遠雪獅兒麟脯盃行狨鞦坐

穩內家宣勸醉蓬萊

小桃紅在襄州作

晚入紗窓靜戲弄菱花鏡翠袖輕勻玉纖彈去小粧紅粉
盡行人愁外兩青山與尊前離恨○宿酒醺難醒咲把香
肩並暖借蓮腮碧雲微透暈眉斜印最多情生怕外人猜
拭香津微搵

天仙子初赴省別妾于三十里頭

別酒醺、渾易醉回過頭來三十里馬兒不住去如飛
一憇坐一憇斷送殺人山與水○是則青衫終可喜不道

恩情拚得未雪迷村店酒旗斜去則是住則是煩惱自家
煩惱你

行香子同郭季端訪舊不遇

一項窻兒明快料想那人不在熏籠脫下舊衣裳件件香
難賽匆匆去得忒驟這鏡兒也不曾蓋千朝百日不曾來
沒這些兒个采

龍洲道人文集卷之十二

賀新郎

西昌劉過改之

崑山縣知縣西蜀王朝用校正

著

彈缺西來路記匆々經行數日幾番風雨夢裏尋秋、不見秋在平蕪遠渚想鴈信家山何處萬里西風吹客鬢把菱花自咲人憔悴留不住少年去○男兒事業無憑據記當年擊筑悲歌酒酣箕踞腰下光鉞三尺劔時解挑燈夜

語更忍對燈花彈淚喚起杜陵風雨手寫江東渭北相思
句歌此恨慰羈旅

賀新郎 贈鄉人朱唐卿

多病劉郎瘦最傷心天寒歲晚客他鄉久大舸翩、何許
至元是高陽舊友便一咲相懽携手典問武昌城下月又
何如揚子江頭柳追往事兩眉皺○燭花自剪明如晝喚
青娥小紅樓上慇懃勸酒昵、琵琶恩怨語新筍輕籠翠
袖看舞徹金釵微溜若見故鄉吾父老道長安市上強如
舊重會面幾時又

賀新郎 贈張彥功

曉印霜花步夢半醒扶上雕鞍馬嘶人去嵐濕青絲雙鬢
冷緩鞚野梅江路聽畫角吹殘更鼓悲壯寒聲撩客恨何
堪貂裘重擁愁無數霜月白照離緒○青樓回首家何處
早山遙水濶天低斷腸烟樹誰念天涯牢落况輕霧煖烟
濃雨記酒醒香消時語客裡歸鞵須早發怕天寒風急相
思若應為我翠眉聚

賀新郎 遊西湖

睡覺啼鶯曉醉西湖千場日、買花簪帽去盡酒徒無人

問惟有玉山自倒任拍手兒童爭咲一舸乘風翩然去避
魚遊不見波声悄歌韻歇喚蘇小。神仙路遠蓬萊島紫
雲深參差禁樹有烟花迷人世紅塵西障日百計不如歸
好付樂事與他年少費盡柳金梨雪句問沉香亭北何時
召心未慊髮先老

賀新郎 平原納寵姬奏方響席上賦

倦舞輪袍後厭簫箏鷓鴣未嫁怨新懷舊別有艷粧豪勢
樂春筍微檀翠袖試一曲琅玕初奏莫放珠簾容易捲怕
人知世有梨園手雙臂冷釧金瘦。燭花對剪明于晝正
畫堂深曲屏山炭紅圍獸
雛鶯轉柳聽箭落銀壺
銅漏一片雄心依舊
天外去為声清響徹雲霄透人
醉也尚呼酒

賀新郎 閨怨

院宇重上掩醉沉上亭陰轉午綉簾高捲金鴨香濃噴寶
篆驚起雕梁語燕正架上酴醾開遍嫩萼稍頭舒素臉似
月娥初試宮粧淺風力嫩異香軟。佳人無意拈針線遠
朱欄六曲徘徊為他畱戀試把花心輕上數暗計歸期近
遠柰數了依然重怨把酒問春上不管枉教人只恁空腸

斷處怎消遣

賀新郎贈倡

老去相如倦。向文君說似初而今。怎生消遣。衣袂京塵曾染處。室有香紅尚軟。料彼此魂消腸斷。一枕新涼眠客舍。聽梧桐疎雨。秋風顫。燈暈冷。記初見。樓低不放珠簾捲。晚粧殘。翠娥狼藉。淚痕流臉。人道愁來須殢酒。無奈愁多酒淺。但托意焦琴。絃扇。真鼓琵琶江上曲。怕荻花。楓葉俱淒怨。雲萬疊。寸心遠。

跋云余試牒四明賦贈老娼。至今天下典禁中昏歌之。

江西人來以為鄧南秀詞非也

水龍吟

謫仙狂客何如。看來畢竟歸田好。玉堂無此三山海上虛無。漂渺讀罷離騷。案香猶在。覺人問小。任菜花葵麥。劉郎去後。桃花處。春多少。○一夜雪迷蘭棹。傍寒溪欲尋安道。而今縱有劉郎。冰柱有知音否。想見鷺飛如掾。健筆檄書親草。筭平生白傅風流。未肯問香山老。

念奴嬌四季侍郎大異

知音者少。筭乾坤許大。着身無處。直待功成方始退。何日

可尋歸路多景樓前垂虹亭下一枕眠秋雨虛名相悞十
年枉費辛苦○不是奏賦明光獻書北闕無驚人之語我
自匆忙天未肯贏得衣裾塵土白壁堆前黃金酬笑付典
君為主尊鱸江上浩然明日歸去

滿江紅 同襄陽帥泛湖

獵獵風蒲畫船轉碧波灣浦都不是柳汀桃岸橘州梅渚
指點山公騎馬地經由羊祐登處悄悄如人在水晶宮消
煩暑○薰風動簾帷舉箏箏奏凌波舞拚冰壺沉醉晚涼
歸去侵岸一篙揚柳浪過雲幾點荷花雨倚樓人十里凭

攔干神仙侶

滿江紅 高帥馮太尉席上

敲面風蒲畫船轉碧波灣浦都不是柳汀桃岸晚來遊處
樓閣萬家簾幕捲江如十里旌旗駐有黃鸝百舌囀新聲
垂楊舞○寒食畫笙簫鼓車馬鬧銅鞮路拚尊前一醉典
花為主風韻可將圖障畫咲談盡是文章語問何如鄒湛
赴江頭陪羊祐

水調歌頭

春事能幾許密葉著青梅日高花困海棠風暖想都開不

惜春衣典盡只怕春光歸去片、點蒼苔能得幾時好追
賞莫徘徊。兩鬢紅葉換翠苔相催人生行樂且須痛飲
莫辭杯坐則高談風月醉則恣眠芳草醒後亦佳哉湖上
新亭好何事不曾來

水調歌頭

弓劍出榆塞鉛繫上蓬山得之渾不費力失亦匹如閑未
必古人皆是未必今人俱錯世事沐猴冠老子不分別內
外典中間。酒須飲詩可作缺休彈人生行樂何自催得
鬢毛斑達則牙旗金甲窮則蹇驢破帽莫作兩般看世事

只如此自有識鷓鴣

祝英臺近 同妓游帥司東園

窄輕衫濕寶鬘花裡按金鞍尋底風光都在畫樓側日遲
春暖融_上杏紅深處為花悴一鞭春色。對嬌賢為我歌
捧瑤觴吹聲動阡陌似多情飛上鬢雲碧晚來得住青驄
踏花歸去亂紅碎一庭風月

祝英臺近

嘆天涯還倦客欲起病無力風雨春歸一日近一日看人
結束征衫前呵騎馬腰劍上隴西平賊。繽紛白只可歸

去家山無田種瓜得空抱遺書憔悴小樓窄杜鵑不管人
愁月明枝上直啼到枕邊相覓

轆轤金井 席上贈馬僉判舞姬

翠眉重拂後房深自嘆小蠻嬌少綉帶羅垂報濃粧總了
堂虛夜悄但依舊鼓簫聲鬧面梅花尊前舞徹梨園新調
○高陽醉山未倒看鞋飛鳳翼釵褪微溜秋雨東湖更西
風浮早桃源路香記流水泛舟曾到桂子香濃梧桐影轉
月寒天曉

唐多令

安遠樓小集侑觴歌板之姬黃其姓者乞詞于
龍洲道人為賦此唐多令同柳阜之劉去非石
民瞻周嘉仲陳孟參孟容時八月五日也

蘆葉滿汀州寒沙淺帶流二十年重過南樓柳下繫船猶
未穩能幾日又中秋○黃鸝斷磯頭故人曾到否舊江山
渾似新愁欲買桂花同載酒終不是少年遊

臨江仙

半雨半晴模樣乍寒乍熱天時稻花香逐溫風飛綠雲翻
翠浪水急轉前溪○誰識清涼意思珊瑚枕冷先知秋光

預要借此兒贖催金粟開素魄好揚輝

蝶戀花 贈張守寵姬

簾幙聞聲歌已妙一曲尊前真箇梅花早眉黛兩山誰為
掃風流京兆江南少○醉得白鬚人自老侯鯖舊也曾年
少後夜短篷霜月曉夢魂依舊雲山曉

謁金門 京口賦典歌者侑觴

歸不去船泊早春梅渚試聽玉人歌白紵行雲無覓處○
剪燭寫詩無語漠漠寒生窻戶明日知蓬眠夜雨寶釵空
半股

謁金門 秋興

秋興惡愁怯羅衾風弱雨線垂○晴又落輕烟籠翠箔○
休道旅人蕭索生怕香濃灰薄桂子莫愁辜酒約詩情渾
落魄

鷓鴣天

樓外雲山千萬重畫眉人隔小簾櫳風垂舞柳春猶淺雪
點胸酥煖未融○携手處又相逢夜闌心事與郎同一盃
自勸羔兒酒十幅銷金煖帳籠

柳梢青 送梅坡

泛菊盃深吹梅角遠同在京城聚散匆匆雲邊孤鴈水上
浮萍。教人怎不傷情細屈指知心幾人後夜相思塵隨
馬足月逐舟行

詠茶筴

惟聽碧琅玕影撼半庭風月歲寒歲寒心在留得數根華
髮。龍孫戲弄碧波濤隨手清風發滾得到浪花深處起
一甌香雪

贈妓

忔憎憎地一捻兒年紀傳道瘦來肥不是宜着淡黃衫子

○唇邊一點櫻多見人顰歛雙蛾我自金陵懷古唱時休
唱西河

四字

情高意真眉長鬢青小樓明月調箏寫春風數聲思君憶
君魂牽夢縈翠銷香煖雲屏更那堪酒醒

三字

玉一梭雲一窩淡々春衫薄々羅輕顰雙黛蛾。風声低
雨声低窓外芭蕉三兩棵夜長爭柰何

龍洲道人文集卷之十二



國家圖書館, NATIONAL CENTRAL LIBRARY, TAIWAN, R.O.C.

龍洲道人文集卷之十三

啟事

西昌劉過改之

著

崑山縣知縣西蜀王朝用校正

建康獄中上吳居父時魏抗廣夫為秋官

范睢詐稱張祿蓋有所謀少游即是太虛別無他意但可
辨薰蕕之有臭不當使玉石之俱焚輒據屈抑之情上瀆
神明之聽伏念某廬陵生長湖海倦游鼓行之老氣不衰
嫉惡之劉腸猶在漢廷重賈太傳上曾覽積薪厝火之書

江南有賀方回人爭誦芳草斷腸之句敢期無謂亦到有
司困一人于囹圄之中不勝塗炭被五木于拘孥之下正
值冰霜累知已以併臨辱長鬚而下及若不擢髮而盡數
其罪雖有百口而莫辯其辜橫逆之來哀鳴有以共審某
官官列三公之數帥為諸道之尊文翁闡儒教于蜀都不
聞著述常袞振文風于嶺嶠所欠威名惟道德之備蕪數
者而有之故位望之高列諸藩而未已貂蟬茅土與國同
休玉匱券書其門益大此尚今時之間有若夫前世之所
無公獨一人名高千古骨法壽天人之相精神行地上之
仙不以身為將相而敢忽于細微不以才無文武而尤勤
于學問性耽佳句無非人間未見之詩真草行書更作天
下不刊之字尊君親而弥敬遠形勢而自踈久為戚畹之
範模可作世家之龜鑒有如登獄猶戒多門若吳芳仲平
虎委巷匪人窮閭下走弃母親而弗待冒國恤以圖吹揮
買咲之金動康百萬磨拆簪之玉笏再合之積威暴如虎
狼忽交游如蟻蝨鳩毒安宴蛾眉痛心但知浮花浪蕊之
足觀誓同穴死不悟冶葉倡條之微意又欲釵分氣一怒
而火攻軍四馳而劍舞亮焰有如此者鋒鋌誰敢當哉韓

擒虎在門顧麗華而難忍陶朱公有意與西子以皆來共
掩其非合朽于利救數赦前之小過歷陳試後之虛名蒼
生如謝安石何事無詐取汝意識表賢道否王有假時尚
虞小人之多賢或有陷君名于不義望冰鑑致妍蚩之察
使權衡無輕重之差曾參未嘗殺人疑信尚生于慈母赤
璧若果然放火踉蹌亦走于阿瞞况在部都實非細事倘
強橫稍加乎裁抑則善良始可以保全鄒生坐獄中而上
書始尤冤抑召伯憇甘棠而聽訟終顛寃寃平徃此以還未
知攸措

代賀浙東憲

輒班省戶抗薦侯畿雖正色立朝殊鬱公卿之望然仁聲
載路頓寬解縣之憂矧輔城夙佩于恩光而下吏獨依于
德蔭其為幸會實倍苒夷某官純粹稟姿淵源飽學詩書
執禮養此心于安靜之中富貴浮雲置外物于風塵之表
曩聞治最函奉詔還蘭臺將重于司拾禁路行看于振羽
何為起西湖之興乃至煩至隘之馳主人仁恩攀光宣會
吳中風土風仰声猷不俟教條之頒已見歌謠之起某心
所祈者天實為之吏士驚嗟振衣冠于麾下妻奴切嘆失

七筋于尊前

賀留守農卿

五膺顯擢慎撫神 上將秩元祀于園丘風姿彈壓公乃
兼大農之惠 更籍通融步武禁途屬聯輿論某官稟姿
閱達植德高明學窮百氏之微眷結三朝之厚淮壖給運
師旃分列障之威江左總戎鎖鑰守千門之衛平山草木
鍾阜雲烟尚懷風采之新咸頌規模之壯興滯起廢補弊
救偏使諸老大臣 恐勞精神而克在長材遠識乃能用
談 以成功九重爰念于忠勤一事暫勞于原隰列成更

化四面視儀卷是行 實難敏于國人諸大夫之論謂必
當屬之我公凡民有君子之心知無以加于此會蓋將護
玉與而郊上帝陪禁從而慶三宮然後上紫宸之班次第
登皇圖之貴庸恢遠業式慰民瞻某幸以諸生得參下走
夙重蒙于恩遇近已許于甄收不勝踴躍之私莫盡贊揚
之義豈惟今日吹寒谷之笙竽終待來年入清風之桃李

賀徐封兼直院淵子

榮膺一劄驟拜九 錦省判封尚在郎官之列玉堂寓直
行為學士之真衆驚妙選之得賢獨喜斯文之有主共惟

某官才無人之十倍學通古之百家以載鶴之船載書八
親之清標如此移買山之錢買硯平生之雅好可知惟其
超群出類之不凡所以作賦吟詩而逾妙始宰西昌之邑
旋分南紀之州歌陽春白雪之詩相為宋玉之表裏和落
木澄江之句孰知山谷之主賓七言常許其判花一日忽
傳其視草曰金曰玉定市價于己先非雀非風見王師之
果至蓮炬先搖于落筆桑塔響動于鳴珂欲窮牋管之賀
言不過白衡之異數未知桃觀漸驚燕麥之非 覓竹籬
更有江梅之好某一無知己百不如人但能敬宗伯而變

唐文稍以壓魚虫而箋爾雅老矣直鉤之釣喜茲大廈之
成知判誥八翰林我昔預期于大手經品題作佳士公今
當念于倉髯頌詠之私編摩罔既

賀廬師程徽猷鵬飛

陞華徽閣移鎮巨藩駕千里之舳舻從天而下建十州之
牙轟易地則然况睽違叔子之峴山而指顧謝安之淝水
望歷陽而入境憇遺愛之甘棠道秋浦以過家衣故鄉之
畫錦功名鼎盛福祿階升父子同時蓋此際身冠之未有
兄弟使虜亦金烏馮塞之所無譬猶全家白日以上天何

異萬貫纏腰而騎鶴所以欣々而有喜至于挈々以遠來
以賀而言非辭可記共惟某官九華磅礴之器大江洶湧
之材自唐虞三代以來無書不讀除李杜數家之外其詩
最工雖決科續後于衆人而治縣獨名于一世身處繁雜
而不亂核羽檄于莫容致誥之間變生倉卒而有謀流貨
泉于不可行之後非無館閣進文字語言之職亦有臺省
叙糾彈封駁之官上念神州久淪沙漠蛇豕互為之吞噬
胡運浸衰獺顛未免于先驅虜亡可待欲以英雄之士乘
其機會之秋故畀之亞父所封之城而受以三國必爭之
地矧合淝之所部跨全楚之雄邊若赤壁之得周郎始名
出將如中原之非祖逖誰可渡江虜眷甚深除特異要
當收拾人才而盡用庶幾恢復境土以成功三千餘年黃
河始清維其時矣二十四考中書之令屬之公乎某幸杖
履之曾陪阻門墻而益遠有書為患幾不容于天地之間
無家可歸但落魄于江湖之上繼絕帝鄉之夢辛勤淮甸
之行莫吹寒谷之笙竽無復賞音之山水視文章為小技
久廢語言悞富貴之儻未甚安貧賤然辱泥塗而自弃者
固士之不幸見華軒而頌美者亦人之真情訪杜甫于浣

花溪邊尚冀巖中丞之慷慨燕王勃于滕王閣上猶希聞
都督之風流

代王掌書迎侯諫教

主奉克章自愧草茅之賤來分魯教幸從苻藻之游輒憑
一紙之書敬展諸生之禮共惟某官人材翹楚丰度整齊
學有淵源不止春育海涵之富教行場屋無非日光玉潔
之文視唾手而取功名連摘髭而掇第科以朱幡之重鎮
得絳帳之真儒寒生客之覲誰謂廣文之官冷側求賢之
席佇看天子之詔來某老漸無聞推猶不去職宸奎而共

寶煥御墨之一新溷韋而于雲漢之中日懷驚愕拜琬琰
于塵埃之外惟謹秘藏幸先生之賜臨使弟子之切疵流
鈴擲火永同神物之護持仰丰瞻山更期飲食而教載

龍洲道人文集卷之十四

雜文

西昌劉過改之

著

為吳縣尉俞灝商卿作排青軒上梁文

夫差國大蘇為湖常秀之尊東野官卑尉處薄參丞之底
覺身外之塵埃可見柰胸中之風月自佳爰葺西偏求為
左記某官精神玉雪名譽斗山蓋嘗讀萬卷之書不自意
百夫之上疑香畫戟合置之鈴閣以俄詩搥鼓水鄉今乃

以儒官而警盜納湏弥于芥子坐塗炭于朝衣廨宇甚卑
難為展布園亭不治無以游觀稍仍舊之數椽用作新于
一絕門洞開而盡闢瓦鱗次而不飄窓紙虛明簾旌搖動
湖山繚繞着身圖畫之間竹桂雲森揖客旌旗之下體因
居而侵大心典地以俱平遂伸作尉之腰小試活人之手
偶留十日獲見一斑眉目娟娟烟樹濃粧之西子衣裳楚
、荷花傅粉之六郎棊局留殘如行道院雲香剔蠹似到
館中擷蓴菜以煮羹款已歸之張翰持蟹螯而薦酒酌未
醉之劉伶輒以從游見之頌述

東子真端的有仙風壺天留得春長在腮上桃花非酒
紅西莫增此室尚早棲湖水漸平風浪退一雙鴻鵠出
清溪南老子清貧舊已甘若言富貴求而得未必玉堂
如草庵北吳運之衰今已極閉門便學草檄書不可擒
王止擒賊上想見詩成更官樣庭空吏散寂無人消得
行吟筇竹杖下掃地焚香作清夜維摩丈室寺空虛不
是尋常縣官舍

右伏願仙風不老官職益高歸真玉堂對翻堦之紅藥獨
提掾筆草拜相之白麻雲霄上乎九天河海濶乎千里尚

期他日卧老夫于百尺之樓何待來年底寒士以萬間之屋

典許從道書

九月初三日友生廬陵劉過再拜致書從道省足下某不肖屬交下風幾年矣倒指記之自戊申及今己未日月逾邁動經一紀君猶書生我為布衣嗚呼人生幾二十年哉追念疇昔定交于行都而盍簪于儀真邂逅于金陵姑蘇行路之難中憂百罹比如人飲水冷煖自知不可為他人言也他人讀書句讀猶未通把筆為文章模搥竄竊粗曉

声病即取高第為時達官足下試于鄉于湖南江東西浙僅能一再中而姓名上禮部輒報罷某亦自借湖南之次寂寞無聞此兩人者所謂天壤間無聊之人耳交可以絕矣而相知者益深嗜又嚼蠟計足下懸于某已自有不可曉者而况于儂哉方珉隱先生教學于湖也從游之士無慮數百人然而獲親且近者亦不過六七人執經疑難爭相雄強是故豈肯以氣下人者足下于是時獨以春秋為諸生冠先生持文衡其間既示人以低昂輕重之公諸生雖不敢以私議足下而後來乃稍各以所長脫去場

屋矣而足下名尤隸于貫籍澹庵題名具存每一讀之不勝龍猪之嘆靜言思之先生豈欺予哉雖然某亦豈受人欺者諸先生縉紳公卿與夫博洽儒雅之士至騷人墨客之流某雖未造聞與亦嘗涉其涯涘矣至有與其學而醜其所為愛其辭章而不樂其行義外剛內柔首尾舛逆往來貌是而心非之者皆是獨于足下退降俛伏之無地自言若是則某亦自欺者而併于足下欺之哉韓退之交游相識千百人或以事聞或以藝取或喜其一善或以其久故至于崔群則獨相與如骨肉兄弟不知群何脩飭而能取重于退之如此哉蓋足下之所挾甚能使其犂然當于心者有不獨春秋三傳而已其學正大其文條暢而甚華其議論宏濶深遠而有餘味又深知古今之變國家興衰成敗之數典之談及邊庭障堠戰守形勢又有洞然而不駭且其賦性明敏不詭隨雷同初視之若毅然有不可犯之色而其實和平樂易善與人交掩覆其所短彌縫其所長乃如某者落魄不檢諸所交游者莫不厭而惡之怒嫉罵叢至沓來足下恬不加恤待之如此某所以感激悲嘆其深相知者大畧如此而其不知者可勝道哉今年夏

偶來東陽東陽足下之鄉里某始獲拜其親識其子弟與其厚善者游詳聽審覲又知足下處鄉里者靜重而寡合雖然君貪于家與某之窮于途者不同某惟一身上下聽其意之所適從足下則不可也足下客諸侯亦久矣而卒無所成田園荒蕪親老而食指衆言而聽倡而和者誰歟開心胸濟緩急者誰歟夫使我有所有而人愛開心見誠通融有無患難相濟者不徒尔也必先豁然有以示人不疑而忘然後木石頑朴者尚可感動而况于有情哉今足下之才不患乎少某猶為足下不滿者罟局似未

甚開廣有所欲言者輒慙慙退縮而不自安得非坐一貧賤故戚憂憤朝夕徬徨若將有物以掣其肘者此等意態必能成病范滂郭林宗隱不違親真不絕俗足下蓋嘗尚論林宗而友之者而欲隱真而違親絕俗而抑姑取其名而忘其實乎某本非放縱曠達之士垂老而無所成立故一切取窮達貴賤死生之變寄之盃酒浩歌痛飲旁視無人意得有所逃者于是禮法之徒始以狂名歸之某亦受而不辭比之足下孤介峻潔視天下皆不屑為者豈不萬萬相遠然某誠恐拘牽已甚則近于自隘偏于執方

則所行必多滯古之通材達人疑不如此某坦蕩不羈雖不可以為法然而于足下不用于時均也但差樂耳以吾之所有易足下之所無藥其膏肓之疾而起之亦朋友切磋琢磨之義也昔杜征南有左傳之癖足下于傳可謂通矣豈外有所癖耶正言程冬老丁未歲尉長興時為某言今天下惟四常某聞其言而甚驚冬老之言曰夫婦父子兄弟君臣此四者不可易之道獨朋友一常為不講故曰惟四常由今觀之冬老致身雲霄之上某亦豈無半面之雅而辱在塗泥邈如路人朋友之道講不講何人也栖

異鄉與足下兩途相值他人尚何責哉秋風益高車馬戒塗淒其此心又未知足下于何年會于何處而試于何地而得失為何如朋友一常尚異他日與足下共敦之有懷千斛書不盡言不宣某再拜

贈徐子容說

東陽山水之窟其民健而善聞其士大夫力學而有節氣風声所樹大畧如此切嘗試以他縣人才計之在閩浙間未為極盛倒指而數由今文武兩科而仕者三十餘人比吾江西亦云多矣然而通顯于朝者寂寥而未聞而名實

孚于天下者亦罕見推原其由豈非世家少而師道不立
之故歟國朝韓呂以元勳厚德居河之北山之東其後碩
人繁衍散而四方多至百而千彼非皆習訓誥盡業
文章蓋其文獻典刑深入肌骨故子孫亦感其化見之設
施不容不

河汾當階未擾攘之秋矣雋偉
特之士因伏草莽無以自見王氏從容義理相與房杜以
功業發身者其門子弟居半嗚呼此豈區區口舌論說者
所能致哉吾友徐子容此邦之著姓也其兄弟子姪亦漫
有貴者今又私以其道淑諸人開門受徒戶外屨滿此宜

某之所加敬而不敢竊議者今猶續進是說豈非王謝子
弟貴乎見聞以退之而為師且有位卑之羞歟吾觀子容
質直而甚文和易而有節此可以師者其徒有能自經又
詞賦之外以吾說推之則謀王斷國之論致君澤民之業
出將入相之才益官行德之方他日之所成就當不止此
毋徒曰吾計止應科舉圖官職而已耳年月日劉生說

龍洲道人文集卷之十五

上下

序跋

西昌劉過改之

集序跋

崑山縣知縣西蜀王朝用校正

閔風先生跋

予友劉改之少負不羈之才加以邁往不屑之地落魄一世傲視萬物罵怒嘻笑皆成文章斗酒百篇佇立可就有志無時用弗克施夤恨而歿詩亦隨手散逸有不存一二予嘗游岷嶂山于郵亭僧舍得其詩五十六首刻于潛川

類集恨未能會粹其餘也會方巖先生出師江西之明年
其弟潤之復錄一篇并手蹟數紙乃徃歲送公還鄉所賦
公敦公叔把臂之義興羊恬不位之仁跋以妙語丞伐堅
珉刻于廬陵郡齋雖山陽晚笛之感高山流水之思揚巨
源之說項斯杜牧之之叙李長吉由今視昔尤切于榮耀
焉改之縱沒猶生之年也改之名過太和人也閩風劉俊
誌

東陽游戲序

慶元己未夏六月廬陵劉改之來游東陽幾日月得詩文

五十餘篇將行集之因為之序予以為山川人物固豪傑
之士所樂觀而願識者然貧困征行山川過目輒失向肯
交游滿前臭味平生雖所願樂蓋亦未易得也改之游吾
鄉往來石洞清潭山谷間盤薄邑里賦詩最多邑之善士
莫不傾接探幽發秘却短從長與夫風俗美惡典刑廢興
固已盡得之矣然而改之貧自若也司馬子長游天下其
所以求于世者與我異倦游而來文始竒改之讀書論兵
好言古今治亂盛衰之變與予交十二年今老矣未嘗一
日不游也每見則氣益 詩益振文益古蓋其所得于天

者富貴不足以累其心故能驅役山川戲弄人物劇談痛
飲世自賢亦其造物者游而未知所止也其與子長孰
後先乎詩文一篇遂為東陽故事凡吾識
忘也秋九月朔許從道序

改之當不

殿撰侍郎王安撫送改之詩三首

名滿江湖劉改之半生窮困但吟詩人言季布恐難近我
謂此老真吾師試令滿飲至醕酌會覺高論生神奇富豪
有財不識寶貧者識之空嗟咨

其二

劉子堂堂七尺軀高談世事奮髯鬚觀渠論到前賢處
我看来近世無出語令人驚駭易處窮無愧敢揶揄徜徉
鬧市渾無畏真是人間烈士夫

其三

不識劉郎莫便誣酒酣耳熱未全踈士當窮困能無怯我
自斟量愧不如橫槊賦詩未有分輕裘緩帶恃其餘當今
四野無人士宜有奇才在草廬

陳狀元同父贈改之詩

劉郎飲酒如渴虹一飲澗壑俱成空胸中磊砢洗不下時

吐勁氣噓青紅劉卽吟詩如飲酒淋漓醉墨濡其首咲鞭
列缺起豐隆變化風雷一揮手吟詩飲酒總餘事試問劉
卽亦何有劉卽才如萬乘噐獲落輪困難自致強親舉子
作書生却咲書生敗人意合騎快馬健如龍少年追逐曹
景宗弓弦霹靂餓鴉叫鼻尖出火耳生風安能規行復矩
步歛袂厭：作新婦黃金揮盡氣愈張男兒龍變那可量
會須斫取契丹首金甲牙旗歸故鄉

故人陳全父未魁天下時與余皆落魄不振一日醉
于淡然子樓上作此詩相與勞苦明年全父倡名為

多士第一嗚呼全父死又幾年而劉子尚為書生每
誦此詩幽明之間負此良友

竹隱先生徐侍郎詩五首

江西詩杜久淪落晚得一人劉改之不向嶺頭拈取去此
衣此鉢付他誰

其二

謫仙此日號無敵侯喜中間有邁声後五百年無繼者得
渠一句便堪驚

其三

一生能着幾兩屐萬戶何如千首詩竹隱在傍湏竟造醉
鄉有路莫他之

其四

風吹客袂游甘露雪打人頭入半山無故被他林鳥教競
傳新句落人間

其五

閉門長安十日雨車馬不來蛙龜多若往淡然應子是作
商聲者必君歌

東陽呂英父詩

襄陽劉子謫仙儔揮斥塵寰却邁游醉眼茫洋天地窄吟
魂淒蕩鬼神愁生來不帶封侯骨老去徒深活國謀旦暮
風塵起河朔未容埋沒委山丘

李大方以改之下第賦此詩以贈之

劉郎氣豪酒豪詩更豪乃肯折節作賦遺恨無纖毫詩佳
賦老不入世俗眼仰空大咲索酒歌離騷劉郎新詩今莫
敵挑戰梅吐無遺力卑然桃杏一山開龍馬行天曉無迹
錦標重奪三年却來走馬春風前撐腸文字五千卷吟
哦得、揚羞鞭世間榮辱俱遊戲莫為功名消壯志我輩

胡不赧然劉蕡况是公家事銀盃錦被綉驤裘呼童喚麈
勞愁自怜却為微官縛不及相從上酒樓

龍洲道人文集卷之十五終

國家圖書館, NATIONAL CENTRAL LIBRARY, TAIWAN, R.O.C.

